





5. 14. 238



Optis omnium si. nullum. & Aloysi Gonz.
Zu. quali a. feruatur in eius olim cubiculo
nunc sacello superi Collegii Romani.

DE
LENTIBUS ET TELESCOPIIS
DIOPTRICIS
DISSERTATIO
QUAM AUSPICE

S. ALOYSIO GONZAGA

PATRONO SUO BENEFICENTISSIMO

PUBLICÆ HABUIT IN SEMINARIO ROMANO

MARCHIO ALOYSIUS LEONORI

SEMINARII ROMANI CONVICTOR

ATQUE ACADEMICUS REDIVIVUS.



ROMÆ MDCCLV.

Ex Typographia Antonii de Rubeis in via Seminarii Romani.

SUPERIORUM PERMISSU.



Argumentum hujus nostræ exercitationis seligimus tritum illud quidem, & ab omnibus Opticis ubique pertractatum, quod tamen non idcirco ineptum esse credidimus ad rem nostram, cum ea nimirum, ad edendum publice studiorum nostrorum specimen aliquod aptiora sint, quæ vulgo notiora sunt itidem.

Præterquamquod si in re maxime trita ordinis, ac deductionis peculiarem aliquam rationem habeamus, si quid non ita pervulgatum, & nobis saltem novum adjiciamus; si, quæ inde in Opticam, & Astronomiam derivantur commoda, quæ occurrant incommoda, ac errorum a summis etiam aliquando viris admissorum pericula, percontemur; arbitramur utique nec inutilem operam nostram fore, nec injucundam.

2. Ut autem ab ipsis primis principiis rem ordiamur nemo sane ignorat, eam esse luminis proprietatem, ut dum ex uno medio migrat in aliud diversæ generis, & diversam vim exercentis in lumen ipsum, nonnihil inflectatur, quæ inflexio dicitur refraction. Fit autem ea lege itidem notissima, ut in quavis diversâ inclinatione radii ad superficiem sinus anguli incidentiæ ad sinum anguli refracti, quos nimirum radius directus, & refractus continent cum recta perpendiculari ad superficiem ipsam, sit in ratione data, quæ ratio in ingressu ex aere in vitrum est proxime ut 31 ad 20, vel ut 3 ad 2, contra in ingressu e vitro in aerem ut 20 ad 31, vel ut 2 ad 3.

3. Hæc proprietas luminis efficit, ut dum per emissionem luminis factam a corpore lucido, vel per eam, quam reflexionem dicimus factam a corpore lumine proprio carente, & cogente lumen acceptum a corpore lucido retro regredi, radii ad oculum nostrum deveniunt, iidem intra oculum intorti coadun-

nentur in oculi fundo, & ibi objecti imaginem depingant. Id nimirum fit potissimum ope lentis chrySTALLINÆ, quam habemus in oculo, lentium enim utrinque convexarum est lumen colligere per refractionem. Qua id ratione fiat, quæ in ea collectione habeantur vitia, quæ vitiorum remedia, & remedium limitibus, quo pacto per vitra vel solitaria, vel conjuncta adjuvetur oculus, & elevetur ad distinguenda ea, quæ per sese non posset, quæ in eo ipso vitia adhuc necessario remaneant nunquam amovenda, nisi ipsa mutetur natura luminis, hujus erit disertationis persequi per gradus.

4. Et primo quidem fieri posset, ut radii omnes ab unico digressi objecti puncto in unico itidem puncto colligerentur, tum vero lentium theoriam haberemus absolutam, & tam visio nostra per sese, quam eadem specillis, & telescopiis adjuta, lentibus nimirum solitariis, vel combinatis, in immensum potentia suæ fines protraheret. At id natura vetat ex pluribus capitibus. Primo quidem, quia figura spherica radios omnes utut homogeneos ab unico puncto digressos in unico itidem puncto non colligit, si e materia constet homogenea; quæ tamen figura requiritur e pluribus capitibus; deinde vero quia radii ipsi heterogenei sunt, & diversam refrangibilitatem habent, ut Newtonus demonstravit; unde fit, ut alii citius colligantur, alii serius. Verum quoniam, quod ad primum caput pertinet, inveniri potest superficies, quæ in unico puncto colligat radios omnes homogeneos ex unico puncto profectos, quam aliter invenit Cartesius, aliter Newtonus, nostram satis simplicem illam quidem, & elegantem ejus problematis solutionem exhibebimus, quam septem ab hinc annis communicavimus cum doctissimo viro Jo. Baptista Soardio, in epistola, quam is deinde inseruit geometrico operi, de Curvarum descriptione per organa, edito tribus ab hinc annis. Est autem hujusmodi.

F. 1. 5. Sit in Fig. 1. P punctum radians, F punctum, in quo radii coire debeant, quod dicitur focus, & queratur curvatura A I G superficiæ ejusmodi, ut omnes radii P I D refracti dirigantur per I F ad F. Concipiantur bini ejusmodi radii infinite proximi P I D, P i d, & centris P, F intervallis P I, F I ducantur arcus circulares, qui occurrant rectis P i, F i in V, u. Quoniam angulus D I i est inclinatio radii directi P I D ad superficiem I i, angulus V I i, qui est ejus complementum

ad

ad eum rectum, quem arcus VI continet cum semidiametro P
 I producta, erit æqualis angulo, quem idem radius continet cum
 perpendiculari ad superficiem, qui itidem est complementum
 inclinationis. Erit igitur $V I$ i angulus incidentiæ, & eodem
 argumento angulus $u I$ i erit angulus refractus. Porro eorum
 angularum sinus ad radium $I i$ sunt lineolæ $V i$, $u i$ ob angu-
 los rectos ad V , & u . Quare ex lineolæ erunt in ea data ra-
 tione sinuum. Est autem $V i$ incrementum rectæ $P I$ abeuntis in
 $P i$, & $u i$ decrementum rectæ $F I$ abeuntis in $F i$. Igitur
 habebimus hoc theorema. *Ut habeatur quæsitæ curva, satis est*
ita determinare puncta I , i ut incrementum continuum rectæ P
 I ad decrementum rectæ $F I$ sit ubique in data ratione.

6. Id Newtonus perficit hoc pacto. Seligatur punctum A ad
 arbitrium inter P , & F , ubi sinus incidentiæ sit major sinu anguli
 refracti, tum capiatur $A H$ versus F itidem ad arbitrium, dein-
 de vero $A L$ ad $A H$, ut est sinus anguli incidentiæ ad sinum an-
 guli refracti, & si centris P , & F , intervallis $P L$, $F H$ in-
 veniatur punctum I , quod semper eo casu poterit inveniri, ip-
 sum erit ad curvam quæsitam. Cum enim $A L$ ad $A H$ sit con-
 stanter, ut sinus incidentiæ ad sinum anguli refracti, erit etiam
 incrementum illius, quod est idem, ac incrementum $P L$, sive $P I$
 ad incrementum hujus, quod est idem ac decrementum $F H$, sive F
 I in illa ratione data sinus anguli incidentiæ ad sinum anguli refrac-
 ti, ut oportebat. Hinc autem facile deducitur, quid factò opus
 sit etiam, ubi sinus incidentiæ sit major, & cui usui sint par-
 tes omnes curvæ ita definitæ, constructio enim est generalis,
 tam pro casu, in quo radii debeant convergere ad punctum da-
 tum, quod tum dicitur focus realis, quam pro casu, quo debeant
 divergere à puncto dato, quod tum dicitur focus virtualis.

7. At ejusdem curvæ hæc itidem constructio, quæ quan-
 dam geometricam elegantiam præferet, facile eruitur. Assum-
 pta curvæ origine A , capiatur $A B$ ad $A F$ in ea ratione data
 sinus incidentiæ, ad sinum anguli refracti, ac centro P inter-
 vallo $P B$ describatur circulus $B D E$, tum ducto quovis radio
 $P D$, inveniatur in eo punctum I ita, ut sit $I D$ ad $F I$ in
 ea ratione data, quod quidem facile præstatur ducta $F D$, &
 factò angulo $D F I$, cujus sinus ad sinum dati anguli $F D P$ sit
 in illa eadem ratione, & punctum I erit ad curvam quæsitam.
 Nam cum sit $I D$ ad $I F$ in ea ratione constanti, erit & decre-
 men-

mentum $I D$, quod est incrementum $P I$ ob $P D$ constantem, ad decrementum $I F$ in illa ratione eadem, ut oportebat. Hoc autem pacto considerata ejusmodi curva summam habet affinitatem cum conicis sectionibus. Si enim concipiatur, punctum P abire in infinitum, radiis nimirum, dum incident, non divergentibus a puncto dato, sed parallelis, circulus $B D E$ abit in rectam lineam, cui evadit perpendicularis $I D$, & ratio constans $F I$ ad $I D$ est illa ipsa, quam nos in nostris Conicarum Sectionum elementis assumpsimus pro definitione sectionis Conicæ. Sed ut in ea ipsa epistola innui sub finem, non semper habebitur casus refractionis cum ea lege, sed aliquando etiam casus reflexionis cum lege simili constantis rationis sinuum anguli incidentiæ, & anguli refracti, cujusmodi reflexio in natura non existit.

8. Porro eadem curva sic etiam facile construitur motu continuo ope filorum, dummodo ratio ea constans sinuum sit data. Nimirum advolvatur filum stylis fixis in P , & F , & cuiusdam mobili I ita, ut in $I F$ sit toties multiplex, quot unitates exprimit sinus anguli incidentiæ, & in $I P$ toties, quot exprimit sinus anguli refracti, quod quidem facile perficitur caput fili alligando stylo mobili I , vel alteri e fixis P , F , prout inter illum, & hunc haberi debet filorum numerus par, vel impar. Movendo nimirum stylum I ita, ut interea filum totum maneat tensum, habebitur intentum. Quoniam enim totum filum semper manet idem, tanto augebuntur omnia simul fila $P I$, quanto decreverint omnia $I F$. Quare numerus incrementorum omnium filorum $P I$ æquabitur numero decrementorum omnium $F I$. Porro tanto magis augentur, vel minuuntur singula, quanto pauciora sunt; adeoque incrementum unius $P I$ ad decrementum unius $F I$ erit, ut numerus ipsorum $F I$ ad numerum ipsorum $P I$, nimirum in ratione illa data; ut oportebat. Sic si assumamus rationem eam in tra itu ex aere in vitrum ut 3 ad 2, satis erit alligare filum styli I , tum illud advolvere stylo P , deinde stylo I advolvere, tum stylo F , tum iterum I , tum alligare F , & erit incrementum $P I$ ad decrementum $F I$, ut 3 ad 2, in illa nimirum ratione data.

9. Et hoc quidem soluto semel problemate pro unica superficie, solvitur pro superficiebus quocumque. Primum enim fieri potest, ut per refractionem in prima superficie radii respici-

ſpiciant punctum quodvis diverſum ab eo , quod debet eſſe focus , tum hujus ope inveniendæ eſt ſuperficies alia quæ ad datum punctum colligat . Sed hæc omnia ad geometricam exercitationem magis faciunt , quam ad uſum . Nam & admodum difficile eſt vitro ejusmodi figuram accuratè præbere , ſi id iſtum fieri omnino poſſit , & ſi etiam detur fieri poſſe , colligentur in unico puncto a data ſuperficie tantummodo radii , qui e data diſtantia in axe poſita profluunt ; reliqui autem omnes , qui diſcedant e quovis alio iplius etiam axis puncto , vel e quovis puncto extra axem ubicumque aſſumpto non colligentur in unico puncto , ſed in exiguo quodam ſpatulo . Quamobrem de hiſce contemplationibus minus proficuis ad viſum perficiendum , jam ſatis ; ac a Cartefii & Newtoni ovalibus colligentibus radios in unico puncto , ad circulum , qui in ſpecillis , & teleſcopiis adhibetur , faciamus gradum .

10. Porro proponemus problema generale , ex cujus ſolutione pendent omnia prorſus , quæ pertinent ad focos , & cauſticas pro curvis omnibus , adeoque , & ad lentes tum ſimplices , tum compoſitas , & cujus veluti conſectaria ſunt . Dicitur autem focus ; ut monuimus , id punctum , in quo coeunt bini radii infinite proximi inter ſe , divergentes a dato puncto , paralleli , vel convergentes ad datum punctum , ſive reflexi , ſive reſracti , poſt reflexionem , vel reſractionem in data ſuperficie factam , quod nomen habent , quia ferè ſemper omnes intermedii coeunt in puncto itidem infinite proximo , ibique in majore copia lumen ita colligitur , ut etiam ignem aliquando ibidem accendat , quod radii ſolares in ſpeculis , vel lentibus præſtare ſolent . Cauſtica autem appellatur ea curva continua linea , quam perpetuo tangit continua radiorum ſeries ſive a dato puncto divergens , ſive ad id convergens , ſive parallela , ſive certa quacumque lege adveniens , ut ſi adveniat ſecundum tangentes datæ cujuſvis curvæ . Porro quoniam generaliter in quavis curva extra caſus quorſdam anomalos binæ tangentes infinite proximæ inter ſe coeunt in puncto infinite proximo binis illis contactibus , & quidem inter eos ſito , idcirco ad inveniendum etiam cauſticæ punctum quodvis , ſatis eſt invenire concurſum binorum radiorum infinite proximorum , ſive invenire focum ; & continua focorum ſeries eſt ipſa curvæ cauſticæ perimeter . Tam focus autem , quam cauſtica realis dicitur , ſi concurſus ſive con-

tactus eo jaceat, quo radii tendunt; virtualis, si jaceat ad partes oppositas ita, ut ipsi radii fugiant inde, non eo tendant.

11. Innumerabilis sane est varietas focorum, & causticarum pro diversa curvarum natura, ac ad omnes evolvendos casus vix integra, & admodum ampla volumina satis essent, geometria latissimos ubique offerente campos, per quos excurras, si velis. Sed nos generalem exhibebimus problematis solutionem pro solo refractionum casu, ex quo omnia pendent, & innuamus, quæ in eo genere pertinent ad refractiones, tum ea tantummodo derivabimus, quæ ad rem nostram erunt usui, nimirum pro lentibus, & telescopiis. Problema autem est hujusmodi.

- F. 3. *Binorum radiorum, qui ad datum dati circuli arcum deferantur directionibus, quarum datur concursus, invenire concursum post refractionem.* Idem vero est, ac si dicatur radiorum infinitè proximorum invenire focum, & solvetur pro casu in quo radii deveniant divergentes a dato puncto, incurrant in partem circuli convexam, sit sinus incidentiæ major sinu anguli refracti, & radii post refractionem convergant. Ei casui nimirum aptabimus & schema, & calculum. Sed inde, quæ ad reliquos casus pertinent eruentur omnia: Nam si radii adveniant paralleli, satis est distantiam puncti, a quo divergant, a circuli peripheria concipere infinitam; si convergant, ea jacente ad partes oppositas, oportebit ipsam sumere negativam. Si arcus circuli fuerit potius concavus, satis erit ejus radium ad partes oppositas jacentem habere pro negativo. Si pro arcu curvo fuerit recta, satis erit assumere radium circuli infinitum. Si habeatur curva alia quæcumque, satis erit substituere ipsi arcum circuli osculatoris, qui in re præsentis ipsi æquivalet. Sinuum expressio generalis erit, & si valor distantie foci quaesiti ab arcu obvenerit positivus, is focus erit realis, & radii convergent; si infinitus, radii emergent paralleli; si negativus, focus erit virtualis, & radii divergent. Re autem definita pro unica superficie, poterit definiti pro superficiebus quocumque, pro alia nimirum post aliam, efficiendo, ut focus priore superficie definitus locum habeat pro secunda superficie puncti radiantis. Series focorum continua exhibebit causticas; quo quidem pacto unicum hoc problema rite casibus omnibus applicatum rem omnem perficiet.

- F. 3. 12. *Ad ejus solutionem sit in fig. 3. punctum radians P, centrum circuli C, recta AC secante circum in A. Bini radii*
in-

infinitè proximi occurrant arcui convexo in I , & i , eidem producti concurrant in E , & e , ipsi vero refracti per chordas ID , id concurrant in F , qui erit focus quaesitus, ratio autem sinus incidentiæ ad sinum anguli refracti sit I ad R .

13. Primo quidem cujusvis radii directi PI facile admodum invenietur refractus ID . Ducta nimirum IH diametro per centrum C , tum chorda HE , aptetur in circulo chorda HD , quæ ad ipsum sit, ut est sinus anguli refracti ad sinum incidentiæ, & ducta ID erit factum. Cum enim HI sit perpendicularis ad superficiem, angulus HIE erit ad verticem oppositus ei, quem contineret recta ipsa HI producta cum radio incidente PI , adeoque erit angulus incidentiæ. Angulus autem HID erit angulus refractus. Quoniam vero anguli HEI , HDI sunt recti in semicirculo, assumpto HI pro radio, erunt HE , ID sinus angulorum HIE , HID , nimirum incidentiæ, & anguli refracti, qui per constructionem erunt in ratione data I ad R , ut oportebat. Quare cujusvis radii directi dabitur refractus in circulo, & in quavis curva ope circuli osculatoris, vel facilius ope circuli cujuscunque, qui describatur assumpto segmento quovis IH ad arbitrium abscisso ex normali ad eam curvam, quæ datâ curvâ ipsâ, datur, & factâ constructione eadem. Nam demonstratio pendet unice ex eo quod IH sit perpendicularis ad arenam AII in I , & IEH semicirculus.

14. Definita directione radii refracti, definire oportebit in eadem punctum F , sive illum focum. Id autem hoc pacto præstabitur ope infinitesimalium quantitatum calculo geometrico eruto ex compositione rationum. Concipiantur in primis & hic arcus IV , Iu centris P , & F , ut in fig. 1., ducanturque CB , Cb , CO , Co perpendicularia in chordas IE , Ie , ID , id , quas & bifariam secabunt, ac CB , CO occurrant chordis ie , id in R , r .

15. Patet in primis, fore similia triangula rectangula CIO , VII , cum ob angulos CII , BIV rectos, dempto BII communi, remaneant CIB , VII æquales, & anguli ad B , ac V sint recti. Eodem autem pacto similia erunt & triangula CiO , uii , unde illud facile colligitur, fore Iu ad IV , ut est IO ad IB , cum nimirum sit Iu ad Ii , ut IO ad IC , & Ii ad IV , ut IC ad IB . Præterea ob IV , Rb perpendiculares eidem PB , erunt similia triangula PIV , PRb ,

B

& pa-

amur. Abibit B, & O in C, ac evadent C B, C O æquales, & P I, P B evadent P A, P C, loco F abeunte in aliquod punctum f. Eritque Af ad Cf, ut $I \times P A . R \times P C$. Quare si fiat, ut sinus incidentiæ I ad sinum anguli refracti R, ita P C ad P K; erit Af ad f C ut est P A ad P K, ac proinde A C ad A f ut est P K ad P A, quæ constructio elegantissima est, & est illa, quæ in lentibus usum habet, in quibus radius per mediam lentem traductus est perpendicularis. superfici, in quam incurrit.

20. Porro ut generalis solutionis fructus aliquis innotescat, patet, punctum f debere jacere ad partes C, vel abire in infinitum, vel cadere ad partes A, prout P K fuerit minor, æqualis, vel major quam P A, sive prout e contrario. P A ad P C habuerit rationem majorem, æqualem, vel minorem, quam sit ratio sinus R ad sinum I. Ac pro casu arcus concavi res æquæ facile definitur. Quod si pro arcu circuli A I habeatur recta: tum vero res itidem in eo casu facile admodum absolvitur. Cum enim sit A f. C f :: $I \times P A . R \times P C$, erit $R \times A f . C f :: I \times P A . P C$, & alternando $R \times A f . I \times P A :: C f . P C$ nimirum circulo abeunte in rectam in ratione æqualitatis, cum abeunte C in infinitum, & manente f evadat C f infinita, ac P C infinita itidem, quæ cum differre debeant per solam P f finitam, debent esse in ratione æqualitatis. Erit igitur $R \times A f = I \times P A$, sive $P A . A f :: R . I$. Solum cum abeunte C infra f mutetur directio C f in proportionem illa $R \times A f . I \times P A :: C f . P C$, & ipsa negativa proinde fiat, non mutetur autem directio nec P A, nec P C, mutari debet directio A f juxta ea, quæ demonstravimus in Dissertatione de transformationibus locorum geometricorum ad calcem elementorum nostrarum Sectionum Conicarum cum canonibus, qui in hujusmodi transformationibus usum habent incredibilem.

21. Eruitur autem hoc theorema, *ubi radii a puncto radiente digressi incurrunt in superficem refringentem planam ad perpendicularum, focus est virtualis, & ejus distantia a superfice ad distantiam puncti radiantis ab eadem est ut sinus incidentiæ ad sinum anguli refracti*, quod quidem theorema etiam immediate admodum facile demonstratur. Porro eodem pacto alia etiam quamplurima theoremata deduci possent pro circulo- rum arcubus quibuscumque, pro rectis lineis, pro curvis quibuscumque

B. 2.

nec

nec semel generali problemate soluto, aliud requiritur, nisi solum cognitio naturae curvarum illarum, ac circulorum osculatorum, & generales illi canones pro transformatione locorum geometricorum, Geometria ipsa itineris duce, & magistra.

22. Porro ex ejusdem problematis solutione rite applicata, facile posset etiam per algebraicas aequationes finitas, vel infinitesimales pro curvis algebraicis, causticæ natura definiri pro quavis curva refringente, data utcumque curva dirigente radios, si ii omnes ab unico puncto non divergunt, vel ad unicum non convergunt, nec paralleli sunt; sed ea res altiore requirit indaginem, & multo fusior tractationem, præterquamquod vix ullius esse potest usus præter ipsam geometricam contemplationem. Circularis caustica usum habet majorem, ut infra innuam, & multo minus difficulter determinatur. Ejus determinationis ideam quandam generaliter tantummodo exhibebimus.

F. 4. 23. Sint in fig. 4. puncta PACGIBEOFD eadem ac in fig. 3., ducanturque IM, FN perpendiculares ad diametrum AG; & FQ ipsi parallela occurrens MI in Q. Ponaturque AP distantia puncti radiantis a circulo = d, AC radius circuli = r, sinus anguli incidentiæ, & anguli refracti pro I, & R dicantur m, & n, CN abscissa causticæ relatæ ad circuli centrum ponatur = x, NF ordinata = y, sumaturque præterea IM = z. Habebitur per circuli naturam $CM = \sqrt{(rr - zz)}$, inde habetur $PM = PC - CM$, adeoque & PIOb angulum rectum M; cumque sit $PI \cdot IM :: PC \cdot CB$, habetur CB, & ob datam CI habetur IB, adeoque PB. Est autem $m \cdot n :: CB \cdot CO$. Datur igitur CO, & proinde OI ob datam CI. Datur autem & CM, ac datur CN = x, adeoque datur MN, sive FQ. Datur & IQ = IM - MQ = IM - FN. Datur igitur & FI ob angulum rectum Q. Porro datur, & $CF = \sqrt{(xx + yy)}$. Cum igitur in triangulo FIC acutangulo sit $CF^2 + 2FI \times IO = FI^2 + CI^2$ ex Euclidis 12. l. 2., habebitur una æquatio. Proportio autem illa $FI \cdot FO :: I \times I \times IO \cdot R \times P \times IB$ (num. 16.) exhibet alteram æquationem ob datos jam analyticè valores omnes IP, IO, PB, IB, FI, & vero etiam FO = FI - IO. Ope earum binarum æquationum eliminato valore z, remanebit æquatio per x, & y ad curvam quæsitam.

24. Hæc quidem est prima ratio, quæ se sponte offert æquationem eruendi, quæ tamen perpoliri plurimum potest, sed eam in-

invenisse sit satis, ut innotescant vires generalis illius solutionis. Illud tantummodo adjiciemus posse eliminari potius x , vel y , & haberi æquationem, quæ exhibeat relationem IM ad CN, vel NF, nempe (cum IM sit distantia radii PI a recta PAC considerata pro axe) relationem distantie radii incidentis ab axe, quæ in lentibus est semidiameter aperturæ vitri, ad distantiam puncti causticæ ab ipso axe, vel ad distantiam centri a puncto axis, cui respondet causticæ punctum. Quare e tribus valoribus CN, vel etiam MN, NF, MI, dato uno quovis, potest inveniri quivis alius.

25. Quod si radii adveniant paralleli, multo facilius omnia determinabuntur, quæ ad causticam pertinent, nam & proportio illa fundamentalis evadit simplicior, nimirum IF. OF :: IX IO. RX IB (num. 18.), & IB evadit = CM, ac CB = MI, facta IB parallela AC. Verum res multo adhuc evadit minus composita, ubi punctum I sit admodum proximum puncto A, quo casu principium causticæ proximum axi, multo facilius determinari potest, in qua investigatione Geometria exhibet multa præclarissima compendia, si adhibeantur in quantitatibus admodum exiguis canones quidam, qui pertinent ad quantitates infinitesimas, de quibus agemus in quarto nostrorum elementorum tomo, & eorum ope alibi hanc ipsam investigationem exhibebimus.

26. Interea, quod attinet ad investigationem foci in ipso axe pro radiis ad ipsum accedentibus in infinitum, quod quidem satis est pro focis lentium, etiam sine illius generalis problematis solutione res hoc pacto facile definitur. Sit radius PI infinite proximus axi PA, qui refractus per ID cum eo concurrat in R, & quærat punctum R. Erit CIB angulus incidentiæ, CIO angulus refractus. Jam vero est IR ad CR, ut sinus anguli ICR ad sinum anguli CIR, sive assumpto angulo CIB intermedio, conjunctim ut sinus anguli ICR ad sinum anguli CIB, & sinus hujus ad sinum CIR. Prima ratio est eadem, ac sinuum PCI, PIC, cum ii anguli sint complementa ad binos rectos angulorum ICR, CIB, & idcirco habeant eosdem sinus, adeoque est eadem, ac lateris PI ad PC. Secunda autem ratio est, sinus incidentiæ ad sinum anguli refracti. Igitur componendo eas rationes, erit IR ad CR, ut IXPI ad RXPC. Abeat jam punctum I in A, & Rabi-

R abibit in quoddam punctum axis f , recta PI in PA , & IR in AR . Erit igitur Af ad Cf , ut $IXPA$ ad RXP pro-
sus, ut e formula generali deduximus pro hoc casu.

27. Quod si radii fuerint etiam paralleli abeunte P in infi-
nitum, sit ratio PI ad PC , vel PA ad PC ratio æqualita-
tis, adeoque remanet IR ad CR , vel ultimo Af ad Cf , ut
est sinus incidentiæ I ad sinum anguli refracti R , & radius AC
ad distantiam Af foci f a superficie refringente AI , ut est si-
num differentia ad sinum incidentiæ. In ingressu ex aere in
vitrum, cum sit I ad R , ut 31 ad 20 , erit AC ad Af , ut
E. 5. 11 ad 31 . Quod si in fig. 5, deveniant perpendiculariter ad
superficiem vitri Bb , per quam transire debent irrefracti, tum
delabantur ad superficiem concavam BAb , erit e contrario si-
nus incidentiæ 20 , sinus anguli refracti 31 , ac AC ad Af , ut
differentia 11 ad primum 20 . Si vero assumatur ratio proxima
 3 ad 2 , invenitur Af in fig. 4 tripla, & in fig. 5 dupla tan-
tummodo radii circuli, unde hujusmodi habetur theorema.
*Radii proximi axi delati directione parallela ipsi axi ex aere
ad vitri superficiem sphericam convexam, post refractionem
convergent ad distantiam, quæ æquatur proximè triplo radio
sphaeræ: ubi e vitro ingrediuntur in aerem delati directione
parallela axi ad superficiem concavam sibi, convexam aeri, con-
vergent proxime ad punctum distans per intervallum æquale du-
plo radio, sive uni diametro ipsius sphaeræ.*

28. Facile, & illud deducitur punctum R in fig. 4 jacere
citra f . Nam IR est minor, quam AR , adeoque ratio IR
E. 4. ad CR , est minor, quam AR ad RC . Debet autem esse
1. IR ad RC , ut I ad R , ut Af ad fC . Quare ratio Af ad
 fC erit minor, quam AR ad RC , & dividendo, ratio AC
ad Cf minor, quam AC ad CR , nimirum Cf major, quam
 CR , quæ inæqualitas eo erit major, quo I longius recesserit
ab A , & R I magis distiterit ab RA . Et quidem facile de-
monstratur, ubi I non multum distet ab A habere Rf ad AM
rationem datam, quæ facile definiri possit. Quod si in fig. 5
radius pB proximus axi, & ipsi parallelus debeat occurrere axi
in F , focus autem in axe sit f , facile itidem demonstratur fore
 CF minorem, quam Cf . Erit enim BF ad FC , ut est
 Af ad fC . Porro ob BF majorem, quam BA , erit ratio BF
ad FC , sive Af ad fC major, quam AF ad FC , adeoque di-

dividendo Af ad AC ratio major, quam AF ad AC , & proinde Af major, quam AF ; ac etiam hic habet AF ad sinum versus AM rationem datam. Ex eo vero, quod in fig. 4. CR , hic CF sit minor, quam Cf , facile deducitur causticam, quæ cuspidem habet in f , utrobique assurgere versus centrum, & qui ipsam construere vellet per puncta, pro quavis amplitudine AI figuræ 4, vel AB figuræ 5, invenire posset ibi in radio IR , hic in radio IF focus suum, & proinde contactum ipsius causticæ. Id quidem præstabit admodum facile computando singula loca ex illa solutione generali rite applicata. Sed hæc innuisse sit satis, fusioem enim tractationem requirerent, ut singula pro dignitate pertractari possent. Interea hic e constructione numeri 26 derivabimus formulas quasdam generales analyticas summo futuras usui pro lentibus, & telescopiis.

29. Dicatur in fig. 4 distantia PA puncti radiantis a superficie refringente $= d$, distantia foci ab eadem $= f$, radius circuli r , ratio sinuum m, n , differentia $m - n = p$. Cum sit $Af. fC :: m \times PA. n \times PC$, erit $f. f - r :: m d. n d + nr$. Inde ductis extremis, & mediis, $nf d + nfr = mfd - mrd$, adeoque $mfd - nfd - nfr = mrd$, sive $pfd - nfr = mrd$, & $f = \frac{mrd}{pd - nr}$. Hæc formula continet generaliter locum foci, datis utcumque valoribus n, r, d, p , in qua focus erit realis, vel virtualis, prout is valor obvenit positivus, vel negativus.

Erit autem valor d positivus, infinitus, vel negativus, prout radii advenerint divergentes, paralleli, vel convergentes, valor r erit positivus, infinitus, vel negativus prout arcus circuli ad partes radii advenientis fuerit convexus, rectus, vel planus, valor p erit positivus, nullus, vel negativus, prout sinus incidentiæ m fuerit major, æqualis, vel minor sinu anguli refracti, quo pacto unica ea formula omnes omnino casus amplectitur, eum etiam refractionis nullius.

30. Pro casu, in quo aliquis valor fiat infinitus, facile is eliminabitur, contemnendo eum terminum, in quo is non adest, & dividendo omnes, in quibus is relinquatur, per ipsum. Si evadat circuli radius infinitus, abeunte arcu in rectam contempto $p d$ respectu nr , habebitur $\frac{mrd}{-nr}$, sive $\frac{md}{-n}$, vel $-n. m :: d. f$, & hujusmodi theorema, quod congruit cum num. 19.

num. 19. *Ist ut sinus anguli refracti ad sinum incidentiae, ita distantia puncti radiantis a superficie plana ad distantiam foci, qui erit virtualis, si radii divergunt, realis, si convergunt valore d in primo casu positivo, & in secundo negativo, adeoque e contrario valore formulae ibi negativo hic positivo.*

31. Si radii adveniant paralleli, evadit valor d infinitus. Quare contempto $n r$ respectu $p d$, fiet $f = \frac{m r d}{p d} = \frac{m r}{p}$ sive. $p. m :: r . f$, nimirum radius circuli ad distantiam foci a superficie refringente, ut est differentia sinuum ad sinum anguli incidentiae, eritque focus realis, vel virtualis, prout medium novum fuerit magis, vel minus refringens, quod congruit cum num. 18, si ibi radii paralleli fiant proximi axi.

32. Si valor p fuerit $= 0$, sinus m , & n aequalibus. Evanescente $p d$, fiet $f = \frac{m r d}{-n r}$, sive ob $m = n$, fiet $f = -d$, nimirum focus ibi virtualis, vel realis, ubi punctum divergentiae, vel convergentiae, nulla refractione facta.

33. Si focus debeat abire in infinitum, radiis emergentibus parallelis, debet esse denominator $p d - n r = 0$, sive $p d = n r$, & $d. r :: n . p$, nimirum distantia puncti, quod radii respiciunt, ad circuli radium, ut est sinus anguli refracti ad differentiam sinuum.

34. Ex eadem formula facile deduci posset, & illud, punctum radians, & focum alternari ita, ut si e foco retro radii revertantur debeant abire in illud punctum, ex quo recesserant. Sed id sponte fluit ex natura refractionum. Radius enim retro viam relegens eandem ibidem in egressu patitur refractionem ad partes oppositas, quam habuit in ingressu.

35. Perspectis his, quae pertinent ad unicam superficiem, ut gradum faciamus ad globos, & lentes satis erit punctum, quod respectu primae superficiei extitit focus, considerare ut punctum, ad quod radii convergunt, vel a quo divergunt, prout jacuerit citra secundam superficiem, vel ultra. Sed ut generalissimè rem praeferamus, sint in fig. 6 bini arcus $M A m$, $M a m$ circulares, qui sibi invicem obvertant cavitatem, ac per eorum centra transeat recta $P f$, quae dicitur axis. Discedant radii $P B$, $P b$ ex P , & sit focus primae superficiei f , ad quem convergant per $B f$, $b f$, ac cum ea directione deveniant ad

ad arcum $M a m$, ubi refracti per $D E$, $d F$ abeant in focum F .

36. Radius primæ superficiæ dicatur r , secundæ R , distantia, sive crassitudo $A a$ dicatur c , distantia $P A$ dicatur d , sinus incidentiæ in primam superficiem m , sinus anguli refracti n , $m \cdot n = p$: & erit (per num. 29.) $A f = \frac{m r d}{p d - n r}$. Iam pro

secunda superficie distantia illa, quæ in formula generali dicebatur d , erit $a F = \frac{m r d}{p d - n r} - c$, sed assumpta cum signo contrario, cum radii convergant; quod ibi erat r , erit hic $-R$, cum cavitas obvertatur radiis incurrentibus; quod ibi erat m jam hic erit n , quod ibi n , hic m ; & proinde, quod ibi p , hic $-p$. Substituantur igitur in formula $\frac{m r d}{p d - n r}$ hi valores, ni-

mirum valor $\frac{-m r d}{p d - n r} + c$ pro d , $-R$ pro r , m pro n , n

pro m , $-p$ pro p . Numerator $m r d$ fiet $-n R \left(\frac{-m d r}{p d - n r} + c \right)$
 $= \frac{m n d R r - n p c d R + n n c R r}{p d - n r}$, & ponendum erit $\frac{m p r d}{p d - n r}$
 $+ p c = \frac{m p r d - p p c d + n p c r}{p d - n r}$ pro $p d$, ac pro $-n r$ debebit poni $m R$, sive (quod eodem redit) reducendo ad eundem denominatorem $\frac{m p d R - m n R r}{p d - n r}$. Habebitur hujusmo-

di valor $\frac{m n d R r - n p c d R + n n c R r}{m p r d - p p c d + n p c r + m p d R - m n R r}$, qui erit valor novæ distantie $F a$ foci utriusque superficiæ.

37. Si queratur formula pro globo, in eo erit $R = r$, $c = 2r$. Quare ipsa formula reducetur ad terminos simpliciores, nimirum $\frac{m n d r - 2 n p d r + 2 n n r}{m p d - 2 p p d + 2 n p + m p d - m n r}$, sive (substituto pro p valore $m \cdot n$) $= \frac{-m d r + 2 n r (d + r)}{2 p (d + r) - m r}$, vel

$= \frac{2 n r (d + r) - m d r}{2 p (d + r) - m r}$. Ea autem formula in vitro, si ponatur $m = 3$, $n = 2$, $p = 1$, evadit multo simplicior, nimirum

C

4 d r

$$\frac{4dr + 4rr - 3dr}{2d + 2r - 3r} = \frac{dr + 4rr}{2d - r}, \text{ ac si in eadem formula,}$$

$$\text{præterea radii adveniant paralleli, factò d infinito, evadit valor}$$

$$\frac{2ndr - mdr}{2pd} = \frac{2nr - mr}{2p}, \text{ vel factis in vitro } m = 3, n =$$

$$a, p = t \text{ habetur } \frac{4r - 3r}{2} = \frac{1}{2} r. \text{ Nimirum si radii ad glo-}$$

bum deveniant paralleli, erit, ut dupla differentia sinuum ad excessum ex duplo sinu anguli refracti supra sinplum sinum incidentiæ, ita radius sphaeræ ad distantiam foci a sphaeræ ipsius superficie posteriore, & si vitrea sit sphaera, erit radiorum parallelorum focus proximè in distantia dimidiæ semidiametri.

38. Quod si eam formulam numeri 36. libeat applicare ad lentes, in quibus crassitudo c contemnatur; tum vero omnis omnibus terminis, in quibus habetur valor c, habebimus

$$\frac{mndRr}{npr d + mp d R - mn R r} = \frac{nd R r}{pd(R + r) - n R r}, \text{ quæ erit pro}$$

omnibus lentibus generalissima formula, in qua r, R radii binarum superficierum, quarum utraque sit convexa, d distantia puncti, a quo radii divergunt, m, n sinus incidentiæ, & anguli refracti in ingressu in lentem, p = m - n. Quare si altera superficies, vel utraque sit concava ponendus erit alter e valoribus r, R, vel uterque negativus; si altera, vel utraque plana sit, ponendus erit alter, vel uterque infinitus, si radii paralleli sint, vel convergant, ponendus erit valor d infinitus, vel negativus.

39. Mirum, quam multa liceret inde eruere, si formulæ ductum liberet sequi, & ad omnes casus applicare. In primis generaliter eruitur illud, ex utralibet parte observatur radii venientibus lens quæcumque, semper focus erit in eadem distantia ab ipsa. Nam si primo fiat r = a, R = b, habebitur

$$\frac{ndab}{pd(a+b) - nab} = \frac{ndab}{nab}. \text{ Si deinde fiat } r = b, R = a, \text{ habebitur}$$

$$\text{itidem } \frac{ndab}{pd(a+b) - nab}, \text{ qui valor est prorsus idem, ac præ-}$$

cedens, cujuscumque valoris sint a, & b, sive ambo positivi, sive ambo negativi, sive alter positivus, alter negativus.

40. Deinde si ponamus binas superficies esse sphaericitatis ejus-

eiusdem, evadet formula multo simplicior $\frac{n d r}{2 p d - n r}$, quæ, si pro
m, & n assumatur in vitro 3, & 2, quæ ratio veræ proxima
parum fallit in minoribus lentibus, evadit $\frac{2 d r}{2 d - 2 r} = \frac{d r}{d - r}$

unde eruitur sequens theorema, ut distantia puncti illius, quod
radiorum directionem determinat, a centro sphericitatis jacen-
te citra lentem, si sit convexa, ultra si sit concava, ad distan-
tiam ipsius a lente, ita radius sphericitatis ad distantiam focæ
a lente. Nam si C, & c sint centra binarum sphericitatum, erit
P A = d, & erit C A = r in primo casu, C A = - r in secun-
do, ac P C in utroque, & utraque ex parte jaceat P, erit
d - r, adeoque debebit esse, ut d - r ad r, ita d ad distantiam
foci quantitatem; unde patet, esse verum illud ipsum theorema pro-
positum.

41. Deinde aliud elegantissimum theorema, & utilissimum
deducitur ex hujus problematis solutione. Sit lens, quæ habeat
binos superficiæ radios a, & b utrumque inæquales, & oportet
invenire radium r, quem si lens habeat ex utraque parte,
radios ex eodem puncto digressos eodem in loco colliget. Erit

distantia foci prioris lentis $\frac{n d a b}{p d (a + b) - n a b}$ (num. 39.), & po-

sterioris $\frac{n d r}{2 p d - n r}$ (num. 40.). Fiant æquales inter se, & mul-

tiplicatione utrinque instituta erit $n p d^2 a r + n p d^2 b r - n^2 d a b r = 2 n p d^2 a b - n^2 d a b r$. Elisis postremis terminis bino-

rum membrorum, & divisione instituta fit $r = \frac{2 n p d^2 a b}{n p d^2 a + n p d^2 b}$

$= \frac{2 a b}{a + b}$; unde eruitur $a + b. 2 a :: b$. ad quantum ques-

itum. Habetur igitur hujusmodi theorema, si fiat ut summa bi-
norum radiorum in lente utrinque convexa, vel utrinque conca-
va, ad duplum alterius utriuslibet, ita alter ad quartum: sive
duplum productum ex binis radiis dividatur per summam, ubi
conspirant, differentiam, ubi opponuntur curvaturæ, & pro-
dibit radius quæsitus curvaturæ utrinque æqualis, pro lente cun-
dem præstante effectum.

42. Mirum sane, quanti usus sit hoc theorema in praxi dio-

ptrica. Habes binas patinas pro lentibus convexis, vel concavis, quarum altera est unciarum 40, altera 10. Quæris, si earum ope lentem difformem conficias hinc, & inde, cui lenti utrinque simili ea æquivalet? Multiplica 40 per 10, habes 400: duplica, habebis 800: divide per summam 50, & habebis 16. Æquivalet igitur lenti unciarum 16. Patet hinc, quam in satis inæqualibus superficiebus errent, qui medium arithmeticum sumunt, quod hic esset 25 pro 16. Quod si altera sit convexa, altera concava, idem illud duplum productum 800 divide per differentiam, nimirum 30, & habebis $26\frac{2}{3}$. Idem nimirum obveniet, ac si patina uteris unciarum $26\frac{2}{3}$ ejusdem speciei, cujus erat illa, quæ prævalebat, quæ erat unciarum 40.

43. Atque hoc pacto si habes patinam pro lente convexa, cujuscumque magnitudinis a, & quæras aliam, vel convexam, vel concavam b, quæ cum ea id præstet, quod lens utrinque tornata ad patinam r: habebis $\frac{2ab}{a+b} = r$. Quare $2ab = ar + br$,

& $2ab - br = ar$, $b = \frac{ar}{2a-r}$. Nimirum productum ejus, quam

habes, cum ea, quam quæris, divide per summam, vel differentiam duplæ ejus, quam habes, & simplæ illius, quam quæris, prout contrariæ sunt, vel conspirantes, ac habebis intentum. Hinc pro longissimis telescopiis meniscos concavo-convexos facile efficies per patinas multo minores, sed satis proximas inter se. Habeas patinam palmorum 10, & ejus ope quæris lentem palmorum 180: duc 10 in 180, habes 1800. Cape summam ex dupla prima 20, & simpla secunda 180, nimirum 200: per hunc numerum divide 1800, & habes 9. Patina convexa palmorum 9, pro vitro cavo conjuncta cum patina cava palmorum 10 pro vitro convexo dabit meniscum æquivalentem lenti utrinque convexæ palmorum 180. Et quidem cum ducendo 9 in 10, habeatur 90, duplicando habeatur 180, dividendo per differentiam = 1, remaneat 180. Patet sane, rite inventum esse, quod quærebatur. Ut hæc regula applicari possit etiam lentibus plano-convexis, concipiatur altera superficies plana, & fiet alter radius, ut b, infinitus. Quare formula $\frac{2ab}{a+b}$ evadet $\frac{2ab}{b} = 2a$. Ni-

mirus si altera superficies sit plana, altera tornata ad lentem, quæ exhiberet foci distantiam quandam utrinque æque curva, æqui-

æqualebit lenti utrinque æque tornatæ, sed quæ ad duplam prioris distantiam focum haberet.

44. Hæc ingens sane est utilitas in praxi dioptrica. Sed nobis multo majori usui erit illud, quod in posterum fas erit loqui de lentibus utrinque æquè concavis, vel æquè convexis. Nam si sint inæquales utcumque, statim invenietur lens, æque utrinque tornata iis æquivalens, & quod de hac in ordine ad focum axi infinite proximorum fuerit demonstratum, habebit locum in illis. Interea hic obiter notandum, si fuerint plano-convexæ, vel plano-concavæ, eas æquivalere convexis, vel concavis; si convexo-convexæ, convexis; si concavo-concavæ, concavis; si convexo concavæ, æquivalere convexis, vel concavis, prout radius convexitatis, vel concavitatis fuerit minor, quæ omnia sponte fluunt, a formula illa $r = \frac{2ab}{a+b}$, & hoc postre-

mum facile demonstratur; nam a b erit valoris negativi, & $a + b$ valoris contrarii ei radio, qui est minor; unde fit ut $\frac{2ab}{a+b}$ remaneat ejus signi, cujus erit is e valoribus a , & b , qui est minor.

45. His ita constitutis consideremus jam aliquanto diligentius illam lentem, cujus radius utrinque est r , & cujus focus pro distantia d habetur (num. 39) ex formula $\frac{n d r}{2 p d - n r}$.

In primis si concipiamus radios advenire parallelos, facto valore d infinito, habebimus $\frac{n d r}{2 p d} = \frac{n r}{2 p}$. Quare erit ut du-

pla differentia sinuum ad sinum anguli refracti, ita radius sphaerae ad distantiam foci radiorum parallelorum. Hanc distantiam imposterum appellabimus distantiam foci lentis intelligentes, nisi quid in contrarium expressè caveamus, focum radiorum parallelorum, pro foco lentis. Porro in vitreis lentibus minoribus poterit tuto assumi m pro 3, n pro 2, adeoque p pro 1, & $\frac{n r}{2 p}$ evadit r . Nimirum radius sphaericitatis est in vitreis lentibus distantia foci a lente ipsa, quod in exiguis lentibus accidit quamproximè.

46. In hac formula $\frac{n r}{p}$ patet, ubi lens confliterit e ma-

te-

teria magis refringente, quam sit medium circumjacens, ut est vitrum in aere, fore valorem positivum, vel negativum, prout r fuerit valor positivus, vel negativus; nam n erit semper valor positivus, & sic m major, quam n , adeoque p valor positivus. Quare hinc, & ex num. 41 deducitur hoc theorema, Radios parallelos colligunt ad certum focum lentes omnes utrinque convexae, omnes plano-convexae, & eae concavo-convexae, in quibus radius convexitatis radio concavitatis est minor. Dispergunt a certa foco lentes omnes concavo-concavae, omnes plano-concavae, & eae convexo-concavae, in quibus radius concavitatis est minor radio convexitatis. Focus ille prior, ut supra innuimus, dicitur realis, hic posterior virtualis, & ille debet jacere ultra lentem, hic citra respectu radiorum advenientium.

47. Quæramus jam, quæ sit e contrario distantia illa puncti radios dirigentis, qua sit, ut radii emergant e lente paral-

leli. In formula generali $\frac{n d r}{2 p d - n r}$ ut valor evadat infinitus, oportet sit divisor $2 p d - n r = 0$. Quare erit $2 p d = n r$, & $d = \frac{n r}{2 p}$. Sed $\frac{n r}{2 p}$ est valor foci radiorum parallelorum, ad quem ii convergunt in lentibus convexis, & a quo divergunt in concavis. Igitur deducitur hoc theorema. Si radii incidentes in lentem convexam divergant ab ejus foco radiorum parallelorum, vel incidentes in lentem concavam convergant ad ejus focum radiorum parallelorum, prodibunt inde paralleli. Hoc theorema utilissimum erit infra, ubi de telescopiis, pertinet autem ad generalius aliud, quod nimirum focus quivis cum puncto radios dirigente convertatur mutuo ita, ut is, qui erat focus, vel realis, vel virtualis, jam fiat radios dirigens ante incursum, quo nimirum e contrario divergant, si est realis, ad quod convergant, si est virtualis; id punctum, quod antea radios dirigebat, jam fiet focus, realis si inde divergebant, virtualis, si eo convergebant. Posset ex eadem formula derivari inveniendo valorem d per r , qui ex ipso eodem modo invenitur, quo d ex r . Sed est per se manifestum, ex illa luminis proprietate generali, quod radius retro viam relegens eodem regreditur, unde advenerat.

48. Consideremus jam omnes positiones distantiae d , respectu lentis constitutæ in medio minus refringente prius con-

ve-

vexæ, tum concavæ, & status valoris formulæ $\frac{n d r}{2 p d - n r}$ qui ipsis

respondent. Si valor d fuerit negativus magnitudinis cujuscunque, formula erit positiva. Nam n , & p sunt in hoc casu semper valores positivi, & r in lente convexa est itidem valoris positivi. Igitur $-n r$ erit valoris negativus; ac posito p valore negativo erit $n d r$, & $2 p d r$ valor negativus, adeoque totus formulæ valor positivus ob signa conformia. Præterea $2 p d - n r$ erit divisor major, quam $n r$, qui solus relinqueret d ; adeoque totus $2 p d - n r$, in quo tum signa conspirant, relinquet minus, quam d . En igitur theorema. *Quotiescunque incurrunt in lentem convexam radii convergentes, convergens itidem ad focum realem, & propiorem lenti, quam fuerit punctum dirigens ante incursum.*

49. Si valor d fuerit positivus, formula erit positiva, infinita, vel negativa, prout fuerit $2 p d$ majus, æquale, vel minus respectu $n r$, sive d respectu $\frac{n r}{2 p}$. Vidimus autem superius esse

$\frac{n r}{2 p}$ distantiam foci radiorum parallelorum. Igitur habetur hoc theorema. *Lens convexa radios, quos divergentes excipit, reddit convergentes ad focum realem, vel parallelos, vel divergentes ad focum virtuale, prout distantia puncti divergentiæ magis distiterit a lente, quam focus radiorum parallelorum, vel æquæ, vel minus.*

50. Quod si quæraturs relatio distantie puncti dirigentis radios ante concursum a foco radiorum parallelorum, satis est ponere $d - \frac{n r}{2 p} = z$, quæ nimirum est ejusmodi distantia; & erit

$2 p d - n r = 2 p z$. Quare formula fiet $\frac{n d r}{2 p z}$. Nimirum $z = \frac{n d}{2 p} ::$

$r = \frac{n d r}{2 p z}$. Cum igitur sit z illa distantia puncti dirigentis a fo-

co radiorum parallelorum, $\frac{n d}{2 p}$ sit distantia foci parallelorum, r

radius, $\frac{n d r}{2 p z}$ distantia foci radiorum, quos dirigit d , habebitur hoc theorema. *Ut distantia puncti radios dirigentis ante*

concur-

concursum a foco radiorum parallelorum jacente ex ea parte, ex qua radii adveniunt ad ipsam distantiam foci parallelorum a lente, ita radius sphericitatis ejus lentis ad distantiam foci radiorum quos dirigit punctum illud. Nimirum, si radii divergant a P, puncto P jacente ubicunque citra lentem, si convergant ad punctum positum ultra lentem, & ipsum concipiatur alicubi ultra a, assumatur autem AC æqualis distantie foci parallelorum, erit PC ad CA 4, ut spheræ radius ad Af, si- ve si in vitro libeat uti ratione 3 ad 2, ut focus radiorum parallelorum sit in ipso centro, erit ipsa CA media continuè proportionalis inter PC, Af. Erit autem semper etiam, ubi C non sit centrum, Af negativa contra id, quod figura exhibet, vel infinita, vel positiva, prout P jacuerit inter limites C & A, in C, vel extra eos limites ubicunque si- ve ad partes C, si- ve ad partes A.

51. Eodem prorsus pacto, quo consideravimus casus omnes lentis convexæ, determinantur casus omnes lentis concavæ. Solum signa positiva mutantur in negativa, & viceversa. In ea in formula nostra generali $\frac{n d r}{2 p d - n r}$ valor r evadit negativus & - n r positivus, Hinc si d sit positivus, numerator sit negativus, & denominator totus positivus, quare valor formulæ negativus. Si autem sit valor d negativus, numerator quidem evadit positivus, denominator vero negativus, infinitus, vel positivus, prout 2 p d fuerit respectu n r, & d respectu $\frac{n r}{2 p}$ major, æqualis vel minor. Quare pro iis similia theoremata inferuntur. Lens concava, quæ radios utcumque divergentes excipit, reddit divergentes magis, si autem excipiat convergentes reddit divergentes, vel parallelos, vel convergentes, prout distantia puncti convergentiæ magis distiterit a lente, quam focus radiorum parallelorum, vel æque, vel minus. Et erit etiam hic distantia puncti convergentiæ a foco virtuali ultra lentem sito ad distantiam foci ipsius virtualis, ut radius ad distantiam novi foci a lente, prorsus, ut supra.

52. Et hoc quidem pacto per omnia lentium genera pervagati, quæ maxime notatu digna erant, certo ordine unius formulæ ductu perlustravimus; superest, ut aliquod exhibeamus

speci-

adeoque $2pda r + 2p d b r - n a b r = 2p d a b - n r a b$. Hic etiam postremi termini se destruant. Quare evadit $2pda r +$

$$2p d b r = 2p d a b, \text{ sive } r = \frac{2p d a b}{2p d a + 2p d b} = \frac{a b}{a + b}, \text{ ut prius.}$$

Constat igitur, generale esse illud theorema. Ex eo autem conjunctis utcumque quibuscumque binis lentibus inveniri lentem, quæ idem præstet, & patet quocumque ordine disponantur, idem

provenire, cum valor $\frac{a b}{a + b}$ sit idem, utervis è binis valoribus

dicatur a , vel b . Patet autem & illud, si binæ lentes æquales fuerint, focus dimidiari: patet progredi licere ad tertiam conjungendam cum æquipollenti prioribus binis, & ita porro, neque novit Geometria limites, a cujus tamen cursu præcipiti jam opus est revocare pedem, ut alias etiam regiones quasdam perlustremus, tum ad binarum, & plurium lentium combinationem, hic intermissam regrediamur, ex qua pendent telescopia.

54. In primis huc usque locuti sumus de radiis homogeneis, & de ultimo concursu cum axe radiorum homogeneorum accedentium ad ipsum axem in infinitum. Hinc focus habuimus pro unico puncto. At ex binis capitibus sit, ut radii, qui aliquam superficiei sphericæ amplitudinem, subeunt, non in unicum punctum colligantur, sed in circellum quendam. In primis, ut a figura spherica ordiamur, ea non est ejusmodi, ut radios omnes ab unico puncto digressos in unicum itidem cogat, ut ovales illæ, de quibus initio diximus, sed eas curvas perpetuo contingunt, quas causticas appellari supra diximus. Ut casum simplicissimum unius ejusmodi causticæ consideremus ortæ per unicam superficiem sphericam radiis ad eam delatis directione parallela, sit in fig. 5. lens BAb plano convexa, quæ radiis advenientibus planam superficiem Bb obvertat ad perpendicularum, ut ad superficiem sphericam BAb deveniant irrefracti: focus in axe CA sit f, qui (num. 27.) distabit a superficie intervallo proximè diametri circuli ipsius, sive proximè 2CA. Inde autem habebitur cuspis Dfd duplici arcu fED, fed, quam radii pB, pb æque distantes ab axe refracti per BH, bh, & axi occurrentes in F tangent alicubi in E, & e. Per totum spatium cuspidis Efe habebuntur contactus reliquorum radiorum incidentium in arcus AB, Ab. Illi radii extremi BE,

be

b e aperturæ totius B A b, post contactus in E, & e cum suis arcubus, & concursum in F incurrent in alternos arcus fed, FED in I, & i.

55. Jam vero radii omnes per cuspidem E se traducti nusquam in unico puncto coibunt; sed si excipiantur plano perpendiculari ad axem in H', vel f, vel ubicumque alibi, colligentur in quodam circello habente pro diametro rectas E H' e, h f H, vel alio ejusmodi. Omnium istorum circulorum minimus erit is, qui habebit diametrum I i, ut patet; nam ad partes A se dilatabit cuspis causticæ continens interiorum radiorum contactus; ad partes f se dilatabunt radii illi extremi B H, b h. Ibi igitur habebitur maxima contractio radiorum, qui paralleli advenierint; & eodem pacto idem accidit, si deveniant divergentes a dato puncto, vel convergentes ad datum punctum.

56. Porro Newtonus Opticæ suæ parte 1. lib. 1. prop. 7. affirmat in hoc casu posita diametro sphericitatis CA = D, semidiametro aperturæ MB = S, sinu incidentiæ ex vitro in aerem I, sinu anguli refracti R, fore diametrum circelli ibi, ubi imago est distinctissima, nimirum utique illam $I i = \frac{R}{I} \times \frac{S}{D}$,

quod affirmat, se ope seriei convergentis invenisse omnibus inferioribus terminis. Erat hic animus in hunc locum inquirere, determinata natura ipsius ejus causticæ in ipso exortu f E D prope axem, & elementa habebamus omnia ejus investigationis præstandæ per geometricam analysim, ope quorundam theorematum, quæ pertinent ad infinitesimalium methodum, & applicantur quantitativis exiguis etiam, ac ad quantitates hic quidem itur ordinis tertii. Sed eam investigationem in alium locum, & aliud tempus distulimus, dissertatione plus æquo nunc excrecente. Utemur autem hic Newtoniana hac determinatione. Ipse vero & numeros addidit. Invenit enim in lente, cujus diameter curvaturæ E pedum 100, sive unciarum 1200, semidiameter aperturæ, nimirum MB unciarum 2, sinus incidentiæ ad sinum anguli refracti, ut est 20 ad 31, fore diametrum circelli colligentis radios, nimirum $I i = \frac{31}{3600000}$ partium unciar.

57. Patet autem ex ipsa formula ob R, & I quantitates con-

stantes, esse hanc diametrum circelli ut $\frac{I'}{D'}$, sive in ratione composita ex directa triplicata semidiametri, vel diametri aperturæ, & reciproca duplicata sphericitatis.

58. Altera causa dispersionis radiorum est diversa refrangibilitas diversorum coloratorum radiorum. Supposuimus in nostris formulis esse sinum incidentiæ, vel sinum anguli refracti, sive I ad R , vel m ad n in ratione constanti. Id quidem verum est pro omnibus radiis homogeneis. Sed quivis radius luminis dividitur in innumera radiorum dissimilium genera, quorum alia majorem, alia minorem refrangibilitatem habent, lege tamen, & nexu quodam constanti. Hosce radios ad septem classes reducimus, quibus septem primigeniorum colorum nomina præbemus, non quod septem tantummodo sint, & per saltum quendam mutantur, sed quod ea, quæ minus inter se differunt, eodem nomine denotantur, & in eandem speciem computantur. Sunt autem, incipiendo a minimè refrangibilibus, Rubeus, Aureus, Flavus, Viridis, Cæruleus, Indicus, Violaceus.

59. Porro hujusmodi est lex diversæ refrangibilitatis, ut si sinus incidentiæ communis sit m , & sinus anguli refracti rubeorum minimè refrangibilium sit n , sinus autem maximè refrangibilium sit p ; differentia sinuum $m - n$ ad differentiam $m - p$ sit, ut 27 ad 28. Atque id quidem Newtonus exploravit in pluribus mediis diversis, & constantissimè ita se habere comperit, ut de hac constanti differentiarum ratione dubitare non liceat. Hinc autem, ubi anguli sunt exigui (qui nimirum sunt quamproximè proportionales suis sinibus, adeoque eorum differentiarum differentiis sinuum ibidem proportionales), angulus, quo viam deflectit violaceus color maxime refrangibilis, angulum, quo viam mutat rubeus minimè refrangibilis, excedit parte sua vigesima octava, & parte illius vigesima septima.

F. 7 60. Concipiantur jam in fig. 7. radii PB , pb , qui per refractionem dividuntur in radios diversorum colorum. Extremi violacei magis inflexi abibunt per BH , bh interior, & axem citius secabunt in F , extremi vero rubei abibunt exterius per BI , Bi , qui secabunt serius axem in f , & priores radios bh , BH alicubi in I , i . Angulus IBi , vel Ibi , erit pars vigesima

octava

octava ejus anguli, quem BH contineret cum PB producto, quæ nimirum est tota inflexio per refractionem in radio violaceo, si PB fuerit accuratè, vel, ob immanem distantiam puncti P, uti solet esse in telescopiis, fuerit ad sensum parallela PAF. Nam angulus ille inflexionis erit BFA, cujus alterius est is, quem PB productus continet cum PF. Quare erit $Fpf \frac{1}{28}$ ipsius BFA, adeoque, & ejus sinus $\frac{1}{28}$ sinus hujus, sive sinus BFF, qui est ejus complementum ad duos rectos. Hinc & Ff erit $\frac{1}{28}$ Bf, sive af, & $\frac{1}{27}$ aF. Quare si excipiantur ii radii in f, occupabunt circellum, cujus diameter Hfh esset $\frac{1}{27}$ apertura Bb, cum sit Bb ad Hh, ut AF ad Ff, contempta crassitudine lentis. In F esset $\frac{1}{27}$ ipsius Bb; adeoque si excipiantur in medio in Ii, ubi patet minimum fore circellum, & Ii mediam inter diametrum Hh, & diametrum, quæ responderet puncto F, fere æquales, debet esse proximè $\frac{1}{55}$ ipsius apertura Bb.

61. Quare hinc eruitur hujusmodi theorema. Radii ex omnibus coloribus compositi, si adveniant paralleli ad lentem quancunque, uniuntur in continua serie focorum ita, ut distantia foci rubeorum extremorum a distantia foci violaceorum ab ipsa lente sit, ut 27 ad 28. Ubi autem maxime coeunt, occupant circellum, cujus diameter est quinquagesima quinta pars diametri apertura ipsius lentis.

62. Newtonus quidem profert ibidem theorema, quo determinat in eo circello rationem densitatis luminis, quæ in accessu ad centrum augetur in infinitum; licet deinde, cum & circelli, quorum semidiametri decrescunt in infinitum, decrescant infinites in infinitum, quantitas luminis contenta circello decrescente in infinitum, etiam ipsa in infinitum decrescat. Totam hanc rationem decrementorum ejusmodi, & incrementorum accuratè demonstravimus in nostra dissertatione de Lumine anni 1748. parte 2. Considerat præterea quanto mi-

nus

nus vividus sint violaceus, indicus, ceruleus, & vero etiam extremus rubeus respectu flavi, & aurici, ac partis viridis, & rubei ipsis conterminæ, unde in eadem propositione circellum, qui lumen contineat ex hoc capite dispersum, ubi minimum spatii occupat, reducit ad $\frac{1}{250}$ aperturæ lentis.

63. Inde duo consequantur, quorum nobis erit usus inferius. Primo quidem diametrum circelli recipientis expansionem luminis ortam a diversâ refrangibilitate esse in ratione simplici solius diametri, vel semidiametri aperturæ, ad quam habet rationem certam, dum diameter erroris orti a figura spherica est in ratione composita ex directâ triplicata ejusdem semidiametri, & reciproca duplicata diametri sphericitatis. Deinde conferendo in illa lente primum 100 errorem primum cum secundo, si assumatur tota coloratorum radiorum expansio, fore hunc ad illum, ut $\frac{31}{3600000}$ ad $\frac{4}{55}$, cum nimirum

4 unciarum fuerit diameter aperturæ, & ejus $\frac{1}{55}$ assumi debeat, adeoque ut 1 ad 8151. Si autem restringatur primus error ad $\frac{1}{250}$ partem aperturæ fore hunc errorem ad illum, ut

$\frac{31}{3600000}$ ad $\frac{4}{250}$, sive ut 1 ad 1826, excessu enormi sanè.

64. Affirmat itidem Newtonus ibidem, malo proveniente a figura spherica posse adhiberi remedium aliqua ex parte includendo, ut in fig. 8. intra binos meniscos vitreos concavo-convexos, & conjunctos Bb, lentem aqueam Dd errore, quem figura spherica parit imminuto eo pacto, quod quidem accurate demonstrari potest. Immo etiam inveniri potest continua series densitatis a centro globi ad circumferentiam, quæ efficiat ut globus. radios homogeneos omnes a certo puncto digressos in unico puncto colligat. Eodem pacto includendo aquam binis meniscis, censuit Eulerus. posse occurri & alteri malo orto ex diversâ refrangibilitate diversorum filorum coloratorum, quem in finem censuit naturam in oculo 4 refractiones voluisse ingressu in corneam, in ingressu in humorem aqueum, tum in chrysellinum, ac demum in vitreum. Præscripsit autem, & su-

& superficierum curvaturas, sed res & Londini, & Parisiis, & alibi tentata vanam elusit spem.

65. Angustia quidem dissertationis cogunt omnes hasce disquisitiones hic omittere cum iis, quæ pertinent ad causticas, & in alium reservare locum. Interea tamen illud notabimus, si quidam radius rubeus adveniat axi parallelus versus extremam partem lentis compositæ per pG, tum inflectatur introrsum per GO, tum extrorsum per Oo, & iterum extrorsum per og ac demum introrsum per gf, fore utique alium etiam radium violaceum aliquem ex allaplis eadem illa directione, qui prodibit ex g. Is parum admodum diversum iter habere potest intra lentem, adeoque debet appulisse ad punctum satis proximum ipsi G, adeoque habuisse fere eandem inclinationem in

ingressu, & proinde semper inflexisse iter suum ita, ut $\frac{1}{28}$ totius flexus sui parte inflexerit magis, quam rubeus. Quare summa flexionum radii rubei, computatis oppositis more negatavorum in summam, quæ quidem erit angulus gfa, erit $\frac{1}{27}$ sui parte major, quam summa omnium flexionum radii violacei gF, nimirum quam angulus gFa, adeoque eorum differentia Fgf erit itidem $\frac{1}{28}$ majoris, & Ff $\frac{1}{28}$ af, & $\frac{1}{27}$ AF. Quare in lentibus ea methodo omnino haberi non potest sperata erroris correctio procedentis a diversa refrangibilitate colorum.

66. In lentibus huc usque consideravimus radios ita delatos, ut punctum eos dirigens sit in axe, qui utrique superficie, perpendicularis est. Axis enim lentis cuiuspiam dicitur recta linea, quæ per utriusque centrum transit, ut in fig. 6 recta Pf, F. 6 quæ transit per C, & c. Ibi definitur focus radiorum primæ superficiei, qui pariter in ipso remanet axe, tum eodem pacto focus secundæ superficiei in axe eodem itidem. Videndum nunc, quid accidat ubi radii deveniunt directione ad axem inclinata, vel puncto dirigente extra axem sito. Eo casu oporteret concipere rectam illam, quæ a puncto radiante (ut hunc casum adhibeamus radiorum divergentium, a quo ad cæteros parallelorum, vel convergentium facilis est transitus) ducitur ad centrum primæ superficiei, & ope solutionis generalis initio expostæ

sitæ habita ratione distantie puncti, in quod incidit radius in sphericam superficiem, ab hac recta, quam concepimus, definire focum primæ superficiæ pro illo radio, tum ab hoc foco concipere rectam, quæ tendat ad centrum secundæ superficiæ, quæ jam alia esset ab illa priore, & hujus ope eadem methodo ipsius superficiæ focum, sive focum lentis totius determinare. Sed ea investigatio multo est operosior.

67. Est autem alia multo brevior, & prœior via saltem pro directionibus non ita multum ab axis directione diversis, & punctis non ita multum distantibus ab axe. Num primo quidem facile percipitur, in circulo focum radiorum incidentium in *F. 3.* fig. 3. in arcum si non ita remotum a puncto A ad eandem fere distantiam haberi debere a superficie ipsius, ad quam habetur focus radiorum incurrentium circa A. Inde autem facile eruitur focum radiorum, qui deveniunt a puncto parum distante ab axe lentis, debere a lente tam in prima, quam in secunda superficie haberi fere ad eandem distantiam, ad quam habetur focus radiorum advenientium ex puncto axis. Quare e superiore illa theoria superioris numeri jam habemus, radios etiam ejusmodi incurrentes in lentem, coire debere in foco aliquo, post transitum per utramque superficiem, & ipsum pro puncto non ita multum distante ab axe debere ad eandem ad sensum distantiam haberi a lente. Hinc si unius cujuscumque ex ejusmodi radii, cujuscumque viam post egressum e lente invenierimus, & habuerimus jam distantiam foci pro radiis advenientibus ab axe, innotescet etiam is locus, ad quem reliqui tendunt, & in quo colliguntur.

68. Porro admodum facile est unum ex ejusmodi radiis definire. Licet enim in eo casu nullus habeatur radius, qui a refractione aliqua penitus immunis sit, qui enim in prima forte non habeat incidens in lentis latus ad perpendicularum, habebit in secunda; adhuc tamen est semper aliquis, qui binas habeat refractiones contrarias, & æquales, ac post egressum e secunda superficie habeat directionem eandem, quam habebat prius, nimirum via priori viæ parallela incedat. Concipiatur *F. 4.* enim in fig. 9. axis lentis Cc tractus per centra binarum superficialium, quibus occurrat in A, & a, & si curvaturæ æquales sunt, secta Aa bifariam in I, ducatur per I quævis recta H I h, quæ occurrat superficiebus ipsis in P, & p; ducanturque

ex

ex centris C, e rectæ CPE, Cpe, & fiat angulus EPM ad partes PH, cuius sinus ad sinum anguli EPH sit, ut sinus incidentiæ ad sinum anguli refracti, ac recta MP producatur usque ad Aa in O, tum capta Io, æquali IO, ducatur ad partes oppositas o p m, & demum cpe.

69. Patet primo radium, quæ deferatur per MP in angulo incidentiæ EPM, debere post refractionem in prima superficie factam progredi per P I, ut angulus CPI refractus æqualis ad verticem sit angulo EPH. Patet itidem figuram omnem infra B I b prorsus similem, & æqualem esse figuræ supra, adeoque eodem argumento patet, radium, qui deferretur per h p, debere refringi per p l, adeoque radii PI progressum per l p debere progredi per a h; ac demum ob triangula IOP, Io p æqualia rectas OPM, o p m parallelas esse; ac proinde radius MP ingressus per P p, egressusque per p m, post binas refractiones abibit per rectam parallelam ei rectæ, per quam devenerat. Et quidem si declinatio DOM radii advenientis ab axe fuerit exigua, facile definitur positio punctorum O, o, quorum alterum respicit radius adveniens, alterum radius discedens, quæ quidem eadem erit ad sensum pro omnibus radiis non ita multum inclinatis ad axem. Si enim concipiantur radii digressi ex I, & refracti a superficie Ba b per p m, erit focus

ipforum virtualis o, ac in illa formula $f = \frac{mrd}{pd - nr}$, erit

o a = f, I a = d, a c = r, sed ob crassitudinem lentis exiguam respectu radii, erit d valor per quam exiguus respectu r,

que contempto p d respectu n r, habebitur $\frac{mrd}{-nr}$, sive $\frac{-md}{n}$.

Nimirum erit ut n ad m, in vitro proxime ut 2 ad 3, ita, I a = d, ad a o = f. Continebit igitur Io trientem I a, & O o trientem totius crassitudinis A a, cuius reliqui trientes erunt a o, A O.

70. Jam vero utcumque punctum P sit proximum, vel remotum a puncto A semper habetur parallelismus MP, p m. Quare in lente utrinque æque convexa e radis cum quavis directione, adventibus ad primam superficiem, est semper aliquis, qui egressus e secunda habet eandem directionem, quam habebat ante allapsum ad primam, & si inclinatio ad axem sit exigua, radius ejusmodi est is, qui dirigitur ad finem primi trientis, caf.

crassitudinis lentis ipsius, qui quidem dum egreditur, respicit finem secundi erientis, tanquam si ex ipso egressus esset. Porro hoc theorema facile applicatur lentibus utrinque æque concavis, & lentibus quibuscumque utcunque diversas habentibus superficies applicari itidem potest, sed & demonstratio, & punctorum O, o determinatio est operosior, ac fere omnino in re quidem præsentī inutilis. Cum enim crassitudo lentis ponatur non ita magna, & multo magis cum inclinatio radiorum ad axem ponatur exigua; & distantia obliqua binarum parallelarum O o erit exigua, & in immensum minor erit distantia earundem perpendicularis. Quare poterunt sine ullo errore sensibili illæ duæ rectæ haberi pro unica, quæ per dimidiam lentis crassitudinem transeat. Ac proinde utemur in posterum hoc theoremate proximè vero. Radius oblique adveniens ad lentem cum directione tendente ad mediam ejus crassitudinem, haberi potest pro irrefracto, & in eo habetur focus radiorum egressorum ab eodem aliquo communi puncto cum ipso, vel ipsi parallelorum, vel tendentium ad communem focum, qui est in distantia æquali distantie foci radiorum, quos dirigit aliquod axis punctum.

71. Hinc autem jam facile patet, quid accidat in lentibus vel utrinque concavis, sive focus virtualis sit, sive realis. Exhibet fig. 10 lentem utrinque concavam, ad quam sagitta DE radios transmittit ita, ut punctum medium P axi respondeat. Ejus focus virtualis erit in p ipsi lenti propior, quem determinabit formula superius pro lentibus proposita, nimirum

$$\frac{2dr}{2pd - nr}$$
. Si autem ab extremis punctis per mediam crassitudinem I lentis ipsius ducantur rectæ lineæ DI, EI, in iis in d, & e ad eandem ad sensum distantiam Ip habebuntur foci omnes virtuales eorundem extremorum punctorum, in intermediis intermediorum, & radii e lente ejusmodi prodibunt, tanquam si sagitta DE esset in d e, nec ulla haberetur lens intermedia.

F. 11. 72. Quod si lens sit convexa, ut in figura 11, ac distantia sagittæ DE fuerit ejusmodi, ut realis habeatur focus puncti P in p, ductis itidem rectis E I e, D I d per mediam lentem ultra ipsam ad distantiam ipsi Ip ad sensum æqualem, habebitur series focorum d p e situ inverso posita, in quo inversa exhibebitur sagittæ imago. Ea quidem in medio circa axem erit maxime distincta, tum eo minus, quo magis disceditur a medio,

dio, nam errores, qui a figura potissimum pendent, quo magis a medio receditur, eo crescunt magis; licet ii, qui a diversa pendent refrangibilitate; non ita multum augeantur, aucta etiam non ita parum inclinatione, quorum omnium accuratas determinationes sectari infinitum esset; licet ex illa prima nostri problematis solutione id ipsum in potestate omnino sit.

73. Porro quod diximus de foco virtuali lentis concavæ, facile transfertur ad focum virtualem lentis convexæ, ubi ea, ipsum habet, ob nimis exiguam distantiam puncti radiantis, & viceversa. Dicamus objectum reale id, unde radii revera discedunt a singulis ejus punctis, objectum virtuale id, ad cuius singula puncta singuli radiorum tendunt manipuli, contra vero imaginem realem seriem focorum realium, ad quos post lentem tendant iidem illi manipuli radiorum, imaginem virtualem seriem focorum virtualium, quos retro respiciunt manipuli ipsi; & data lente, ac loco objecti, invenietur imaginis distantia, & situs, ac species eodem modo, quo dato puncto dirigente radios ante concursum, nimirum puncto divergentiæ, vel convergentiæ invenitur focus per superiores formulas. Magnitudo autem imaginis vel virtualis, vel realis invenitur, duccendo a punctis objecti extremis rectas per mediam lentem, quæ in imaginis mediæ distantia totam ipsius imaginis magnitudinem exhibebunt.

74. Inde autem facile definietur motus omnis imaginis ex motu objecti, ut in fig. 11, si objectum DE sit nimis proximum lenti convexæ Bb, nimirum distet minus ejus foco radiorum parallelorum, imago erit virtualis; si sit in ea distantia, abibit in infinitum; si distet magis, evadet imago realis, quæ eo magis accedet, quo magis objectum distabit; pro qua lente, si objectum concipiatur infinitè distans, imago erit realis in distantia foci radiorum parallelorum; si ipsum objectum sit virtuale, erit imago realis adhuc lenti propior. At in lente concava, si objectum fuerit virtuale, & propius lenti, quam ab ea distat focus ejus virtualis radiorum parallelorum, imago erit realis, posita ultra eum focum, quæ eo magis recedet, quo objectum virtuale accedet magis ad focum illum; abibit in infinitum, ubi objectum virtuale ad illum focum devenerit; fiet imago virtualis, ubi objectum virtuale distiterit adhuc magis, & eo magis accedet ad lentem, quo magis objectum virtuale ab ea recedet;

E 2

quod

quod si concipiatur in infinita distantia, imago virtualis erit in foco virtuali ceteriore radiorum parallelorum; si autem ipsum objectum fuerit reale, imago erit virtualis lenti adhuc propior, ad quam eo magis accedet, quo magis accedet illud.

75. Hæ quidem sunt omnes mutationes loci imaginis ortæ ex mutatione loci objecti. Quod si concipiamus mutari curvaturam lentis ipsius, manente objecti loco, facile ex eadem generali formula deducitur mutari locum imaginis, & quidem ita is mutatur, ut crescente curvatura lentis convexæ, decrescat distantia a lente imaginis, si ea realis sit; & crescat, si virtualis: contra crescente curvatura lentis concavæ, decrescat distantia imaginis virtualis, crescat distantia imaginis realis. In quavis autem positione imaginis, & objecti patet illud, diametrum veram objecti, ad diametrum imaginis fore, uti est distantia imaginis a lente ad distantiam objecti a lente, nam in fig. 10, & 11. potest in exigua ab axe distantia focorum series d p e haberi pro rectilinea, & triangula D I E, d I e pro similibus, adeoque est d e ad D E, ut I p ad I P. Ea ipsa ratio facile eruitur e formula; erit enim, ut $\frac{n d r}{2 p d - n r}$ ad d, sive ut n r ad $2 p d - n r$, vel in vitreis lentibus in quibus proxime $n = 2$, $p = 1$, erit proxime, ut r ad d - r, quæ expressio est admodum simplex.

76. Hisce expositis, jam facile fit gradus, ad considerandum ipsum oculi organum, quod nobis a natura est datum ad visionem habendam. Ejus formam exhibet fig. 12. Refert quendam veluti globum cavum, in quo posteriorem partem G p g convestit schlerotica solidior alba, cui ex interiori parte adjacet chorois nigricans, & retina satis diaphana. In anteriori parte prominet nonnihil uvea G O o g nigricans, & cum choroide continuata, ac in ejus medio habetur rotundum foramen, quod dicimus pupillam. Convestit autem uveam, & prætexit pupillam cornea tunica schleroticæ adnexa, solida quidem, sed pellucida. Pendet e regione pupillæ suspensa per processus ciliares G B, g b chrySTALLINA lens B b, inter quam, & uveam est humor aqueus, humor autem vitreus ab ipsa ad fundum oculi.

77. Sit extra oculum objectum D P E. Radii, per foramen pupillæ immissi, a lente chrySTALLINA B b detorquentur ita, ut imaginem in quadam distantia exhibeant, quæ quidem distantia est ali-

aliquanto minor ob curvaturam cornæ, in cuius utraque superficie radii intorquentur nonnihil introrsum; unde fit, ut ad lentem chrystalinam deveniant jam aliquantulum convergentes. Ita autem oculi sani comparati sunt, ut objectorum in medio-ri distantia positorum imago pingatur in ea distantia, in qua est fundum oculi, R p, & in retina, & in choroide, nam per retinam radii transeunt, & tam exigua est ejus crassitudo, ut distinctio imaginis in ingressu in eam, & in egressu sit fere eadem.

78. Plurima autem hic occurrunt notatu dignissima. Primo quidem pro varia objecti distantia imago, ad maximam distinctionem redacta, ad variam distantiam pingitur ab eadem lente, nimirum objectorum remotiorum imago propius, proximorum remotius. Quamobrem ii, qui optimo visu pollent, & objecta proxima, ac remota æquè distincte vident, vel habere debent facultatem admovendi lentem chrystallinam B b fundo oculi, vel etiam immutandi figuram ipsam ejusdem chrystallinæ lentis efficiendo, ut ubi objecta sunt proxima, turgat magis, ubi remota minus, quæ mutatio figuræ videtur omnino necessaria, cum fieri non possit, ut tantum accedat, ac recedat lens ipsa ab oculi fundo, quantum oporteret in oculis quorundam, qui optime discernunt, & proxima admodum, & remota objecta.

79. Ii, qui tantam mobilitatem non habent, ita dispositam habent lentem chrystallinam, ut in certis distantis objectis videant distincta, in aliis autem confusa. Unde confusio nascitur, facile est agnoscere. Si nimirum radii digressi ab uno puncto objecti circellum non ita exiguum occupent; patet, circellos ad diversa objecti puncta pertinentes debere sibi invicem superponi. Ex partes objecti, quarum radii superponuntur, confundantur in imagine, necesse est, & quo majores sunt partes, quarum extrema confunduntur, eo minor est objecti distinctio. Quoniam vero, quo majores communium objectorum partes confunduntur, eo plura sunt colorum genera pertinentia ad diversas ipsarum partium particulas, idcirco in imagine ejusmodi habetur continua quedam colorum permixtio, quæ nebulam, & caliginem parit. Porro sive radii excipiantur ante situm minini, vel post, nimirum in fig. 5, vel ante I i, in E e, aut citra, vel post H h, aut ultra; circellus, per quem

ra-

radii ab unico objecti puncto delati dividuntur crescit, & habetur ea, confusio, de qua diximus.

80. Porro si lens chrySTALLINA plus turgeat, quam par est, objectuum satis remotorum imago distincta pingitur ante, quam deveniant radii ad fundum, & objectorum propiorum imago remotior pingitur in ipso fundo; si vero minus turgeat, quam par est, objectorum propinquorum imago requirit majorem distantiam, quam habeat oculi fundum; unde fit, ut prius incurrant radii in ipsum, quam uniantur. Hinc illi quidem admovent oculis librum, ut legant, hi vero remonent, quantum possunt. Priore vitio qui laborant, myopes dicuntur, qui posteriori vitio, dicuntur presbytae. Utrumque autem vitii genus facile nunc quidem habet remedium, toti olim antiquitati incognitum. Specilla adhibentur pro primo vitio concava, pro secundo convexa. Illa radios divergentes reddunt, haec convergentes, ante quam in oculum incurrant, & nimium lentis chrySTALLINAE tumorem corrigunt, vel nimis exiguum supplent. Unita cum ipsis lentibus chrySTALLINIS specilla, id praestant, quod supra de binarum lentium conjunctione diximus.

81. Potest & aliud esse vitium lentis chrySTALLINAE, ut figuram habeant minus accuratam, & minus politam sint, quo casu confusio inde oritur, ut etiam si e pluribus superficiebus ad se invicem inclinatis constaret, eodem unico oculo multiplicatum appareret objectum; nec ei malo ullum Optica remedium afferre potest, nisi forte Medicina ita succos corrigat ad nutritionem necessarios, ut debita lenti ipsi forma, quam exposcit natura, restituatur.

82. Præterea notandum diligenter est, qua directione objectum appareat, quæ sit magnitudo imaginis, dispositio, claritas. Punctum objecti, quod respondet axi oculi, ut P in hac F. 12. ipsa fig. 12, focum habet in ipso puncto p, in quo axis ad fundum devenit. At puncta lateralia objecti E, & D, ut innotescat, ubi debeant pingi in fundo oculi, ducere oportet per punctum illud R circa mediam lentem assumptum juxta num. 70 rectas D R d, E R e, quæ, ubi incurrunt in oculi fundum, ibi definiunt loca imaginum eorum punctorum. Interea si ipsa satis distent a medio, ut figura exhibet, incurrant in uveam in A a, nec per pupillam transibunt. In eo casu nullum e radiis ab ejusmodi objecti puncto delatis ad lentem chrySTALLINAM, ex ip-

ipsa prodibit cum directione, cum qua delatus est, sed incurrent in lentem radii tantummodo clausi rectis $E O B$, $E o H$, qui deinde inflectentur ad punctum illud e , ad quod radius ferre irrefractus deveniret. Directionem itaque, secundum quam jacet objecti punctum, determinat non directio radorum, qui verè appellunt ad oculi fundum, non directio percussionis, qua oculi fundum feriunt, sed directio earum imaginariarum rectarum, a quibus pendet magnitudo imaginis, & punctum ejusdem objecti puncto respondens. Id maxime notandum, ubi queritur, cur, quæ in oculo pinguntur inversa, videamus directa. Nam imaginem quidem $d p e$, patet, situ inversam esse respectu objecti $D P E$, ut quæ in objecto superiora sunt, in oculo inferiorem teneant locum. Cartesius censuit, cum aliis multis, rem explicari posse per id, quod anima referat objecta ad illa puncta, quæ respiciuntur a radiis, qui in humore chrystallino decussantur, exemplo cæci, qui baculis decussatis sinistra manu urgent dexterum objectum, & norunt non sinistrum esse, sed dexterum. At si videant, quid ad hanc difficultatem respondere possint, cum radii $B e$, $H e$ in longe alia directione adveniant, quam in ea $E R e$, in qua objectum jacet. Et quidem in ipsis radiis, qui ex puncto axis P prodeunt, cum alii aliis directionibus adveniant in p , per $P p$, $M p$, $m p$, confusio maxima nasceretur, si ex percussionis directione de objecti situ judicandum esset.

83. Censemus itaque, solum constantem ordinem, quo objectorum partes in diversis fundi oculi punctis pinguntur, rem omnem efficere, quod potissimum dicendum est, si anima non ibi, sed in cerebri parte aliqua perceptiones habeat objectorum. Nimirum nos imaginem ipsam, quæ in oculo nostro fit, non videmus reflexè, sed per eam videre dicimur objecta externa. Fit impressio a lumine in fundi fibrillas. Ex continuationem habent per opticum nervum usque ad cerebrum, ubi eodem ordine debent disponi, quo in oculo steterant, licet positio mutari utcumque possit, dummodo non perturbetur ordo seriei. Per hæc continuationes tremor ad cerebrum propagatur, vel per ipsam fibrillarum substantiam (quas quidem elasticas esse sane constat, cum in ipsis nostris crassioribus nervis elasticitatem experiamur, quos, si per vim de sede sua digitis removeamus, digitos ipsos urgent, & sibi relictis se statim restitunt), vel per inclusum vaporem. In cerebro percipit anima motum. Ea obiecta,

cta,

eta, ex quibus motus in certa cerebri parte est factus, respectu aliorum, ex quibus est factus in alia, vocavimus dexteram, ac illa alia sinistra, in quibus ipsis cerebri partibus fit motus per oculum, ubi tuemur eam manum, quam dexteram diximus, vel sinistram; ac idem dicendum de sursum, & deorsum. Nihil ibi facit directio, cum qua radii advenierunt in oculum, quam directionem vix Optici norunt, & quæ tam varia est. Omnia præstat locus imaginis definitus a recta imaginaria, quæ ab obiecti puncto per mediam chrySTALLINAM lentem ducitur ad fundum oculi, & constans ordo, quo ejusmodi imagines primum in oculo disponuntur, tum ad cerebrum transmittunt motum.

84. Atque hinc illud etiam notandum maxime; ut binis oculis unicam obiecti imaginem percipiamus, solam id efficere dispositionem fundi oculi, & fibrillarum per binos nervos opticos tendentium ad cerebrum, una cum recta collocatione chrySTALLINI respectu ipsius fundi. Si enim utraque chrySTALLINA lentem directe appensa sit ante medium fundum oculi, & fibræ ab externo latere dextero oculi dexteri uniantur vel ante adventum ad cerebrum, vel in ipso appulsu ad cerebrum, cum fibris provenientes ab interno dextero latere oculi sinistri, & ita porro, sit autem utrumque fundum oculi prorsus æquale & simile, ac nos utriusque oculi axem convertamus in idem obiecti punctum, vel in idem punctum satis proximum obiecto, pingentur quidem in binis oculis binæ imagines, sed pingentur in partibus fundi, quæ sibi respondent, nimirum vel utrobique in axe, vel utrobique ad eandem ab axe distantiam, & plagam, & motus ob illam fibrarum conjunctionem ad eandem cerebri partem deferetur, ac unica habebitur perceptio, quantum ejus phaenomeni causam assignavit Newtonus. Ubi illud sane mirum, debuisse fundum oculi, & opticos nervos Naturam effingere longe aliter, ac omne reliquum corpus. In manibus, in pedibus, in vultu, in ipsa oculorum conformatione, unius partii extimæ sinistræ respondet alterius pars itidem extima, & idcirco dextera. At hic debuit omnino extimæ unius, intimæ alterius respondere.

85. Quod si vel vi digitis illata, vel vino, vel morbo aliquo fiat, ut lens aliam habeat positionem respectu fundi oculi, illico binæ imagines percipiuntur, & motum lentis intra oculum consequitur motus apparens in obiecto, quia pingitur ejus ima-

imago in fundo in alia parte in alio oculo non homologa. P-
ariter si nos moveamur cum omnibus circumjacentibus corpori-
bus, ut in navi, motum non percipimus, quia imago pergit
pingi in eadem parte fundi oculi, & in eadem cerebri parte
motus excitari.

86. Hæc quidem de directione, & positu, jam de ma-
gnitudine imaginis. Magnitudo e d pendet ab angulo e R d, &
distantia R p. Quoniam autem distantiam ipsam R p, quæ a
forma oculi pendet, habemus pro constanti, hinc magnitudinem
apparentem metimur ab angulo e R d, cui respondet angulus
P R E, quem efficiunt binæ rectæ ductæ a binis extremis pun-
ctis obiecti ad medium circiter chrySTALLINÆ nostræ lentis in ocu-
lo. Is igitur angulus magnitudinem apparentem metitur. Hinc
& Planetarum eas, quas apparentes diametros dicimus, eodem
metimur angulo. Sit in fig. 24. Planetæ centrum C, Observator F. 24
in A. Ductis tangentibus A B, A D, tum semidiametro C B,
& diametro D C H, diameter quidem Planetæ, vera est D C H,
diameter apparens dicitur angulus B A D, qui etiam, pro-
ductis rectis A B, A C, A D in cælum in E, I, F, deter-
minat magnitudinem arcus cælestis I E, I F intercepti a semi-
diametris Planetæ C D, C B. Cum autem sit, ut A C ad C B
ita sinus totus ad sinum semidiametri apparentis C A B, remanet
sinus ipse, ut semidiameter vera directè; & distantia A C
reciproce; cumque ii anguli exigui sinibus suis sint proportio-
nales, generaliter effertur in Astronomia, esse semidiametrum,
vel diametrum apparentem, ut est diameter vera directè, &
distantia reciproce, ac si ex hisce tribus dentur duo; tertium
facile invenitur.

87. At hæc, quæ de vera imaginis intra oculum, & ap-
parenti obiecti magnitudine diximus, correctione indigent,
exigua quidem, & quæ, ubi magnitudines apparentes majores sunt,
rem parum perturbat; sed, ubi sunt exiguæ,urbationem indu-
cit maximam, & homines etiam doctissimos aliquando ad pa-
ralogismos deduxit. Nam aberratio ex pluribus capitibus orta
imaginem in oculi fundo nonnihil auget.

88. Primo quidem concipiamus filum unicum luminis li-
neare indivisibile (nullum quidem est ejusmodi, sed licet id nien-
te confingere), deferri ad unicum punctum fundi oculi. Si id
in unicum illud unius fibrillæ punctum ageret, illam concuteret

F

to-

totam, & validior incurfus in unicum ejus punctum potest in ea inducere motum majorem, quam plures minores impulsus facti in plures ejus particulas. Quare si a magnitudine fibrillæ motum accipientis, & ad cerebrum transmittentis pendet magnitudo ejus partis in cerebro, in qua motus percipitur, & cui magnitudo imaginis obiecti adscribitur, crescet hoc ex capite imago illa, necerit punctum unicum imago.

89. Deinde luminis radii agunt in corpora in aliqua etiam distantia. Quare filum lineare luminis motum imprimet spatio cuidam jacenti circa punctum, ad quod dirigitur, quo iterum distenditur apparet puncti imago.

90. Tertio illud filum ad oculum deferatur per aerem, qui vapores habet continuo motu agitados. Hinc nonnihil de directione sua perpetuo detorquetur. Ea deflexio efficit, ut illud ipsum lineare filum jam ad aliud deferatur in oculi fundo punctum, jam ad aliud, & pungat, ac vellicet omnia puncta spatii cujusdam, temere hac illac celerrime per ipsa excurrente. Ea vellicatio sensum continuum excitabit toti illi spatio respondentem, durantibus nonnihil præcedentibus impressionibus, ut ubi carbo accensus celeriter in gyrum agitur, continuus appareret lucidus circulus.

91. Quarto ab unico etiam obiecti puncto non deferatur ad oculum filum unicum luminis, sed fasciculus filorum, qui per omnem pupillam $O o$, ingrediuntur. Jam id imaginem auget triplici ex capite. Primo quidem forma lentis chrySTALLINÆ nunquam a Natura efformatur ita perfectæ figuræ, & perpolita, ut par esset. Vitium aliquod ubique cernimus, & in rebus extra nos positis in frondibus, in malis, ac pyris, in salium concretionibus, ubique demum. In nobis ipsis, in vultu, in manuum forma, ac pedum, quantum homines a se invicem differunt, quantum peccat Natura, ob causas plurimas, quæ nutritioni se immiscent, quæ impressiones multiplices faciunt? Erit aliquid in quavis etiam lente chrySTALLINA erroris itidem in ejus forma, in ejus suspensione, in distantia a fundo oculi. Porro jam inde error aliquis habebitur semper, & quidem sæpe non ita exiguus. Secundo loco licet forma accuratissima esset, tamen nulla figura radios homogeneos colligit in unico puncto, sed aberrationem illam parit, quam vidimus in fig. 5. Tertio demum multo majorem errorem secum trahit diversa refrangibilitas radiorum,

rum, qua fit, ut in fig. 6 exposuimus, ut radii ab eodem objecti puncto digressi uniantur in circello quodam, non in unico puncto.

92. Ex omnibus hisce capitibus objectum, quod ex unico puncto radios emitteret, haberet in oculo imaginem crassitudinis cuiusdam. Et quidem ex postremo capite diversæ radiorum refrangibilitatis magnitudo imaginis unci puncti est admodum ingens. Ponamus distantiam R p lentis chrystallinæ a fundo oculi esse dimidii pollicis, qua & minor est, & aperturam pupillæ O o in fig. 12. esse unius lineæ. Circellus, per quem diversi colorati radii dispergentur circa p, habebit pro diametro $\frac{1}{55}$ partem unius lineæ. Invenietur angulus, quem ea diameter subtendit in R, si fiat, ut Rp lin. 6 ad semidiametrum ipsius circelli $\frac{1}{110}$, ita

sinus totus = 100000 ad 152, qui erit sinus dimidii ejus anguli, & invenitur aliquanto major minutis 5. Quare is error decem subtendit in oculo nostro minuta; & objecti partes, quæ per 10 minuta distant a se invicem, confundunt in fundo oculi radios. Si exclusis radiis debilioribus. cum Newtono redigatur circellus aberrationis ad $\frac{1}{250}$ partem, & fiat ut 250.

ad 55, ita decem minuta ad quartum, prodit error imaginis auctæ major minutis duobus. Ejusmodi magnitudinis saltem in nudo oculo est imago unci etiam puncti, si satis habeat luminis, ad oculum percellendum; nam si lumen sit debile, solæ intimiores circelli partes excitabunt sensum, ut itidem per notem. Ea magnitudine augebuntur etiam imagines omnium objectorum in fundo oculi ex solo postremo capite a radiis excurrentibus hinc, & inde ab e, & d..

93. Hinc hallucinantur, qui dicunt objecta, quorum diameter apparens sit tantummodo unius secundi, sensu non percipi. Si satis lucida sint, & unicum etiam sint punctum, adhuc tamen discerni possunt, & apparebunt aliqua magnitudine a tot aberrationibus orta. Si objectum sit nigrum in fundo satis lucido, minuetur ejus magnitudo apparens a radiis lucidi circumjacentis aberrantibus in locum debitum ejus imagini; si fuerit lucidum, augebitur ab ejus radiis aberrantibus extra locum suæ imaginis. Hinc ad majorem distantiam desinet vide-

ri distinctè, si sit lucidum in fundo nigro, quam si sit nigrum in fundo lucido. Ea autem distantia pendet plurimum a vi luminis, quam ipsum objectum lucidum habet, vel spatium circa objectum obscurum, & vero etiam a mobilitate fibrillarum in oculo, qua fiet, ut in circello imaginis per aberrationem factæ sentiri possit lumen in majore, vel minore distantia a centro circelli.

94. Ut demum deveniamus ad claritatem, ea pendet a quantitate luminis, quæ per pupillam *Oo* ingreditur, a diaphaneitate humorum oculi, & corneæ, quæ aliquid luminis interceptiunt, & a motu, quo fibrillæ in fundo oculi tremunt ad eundem impulsus. Ut hæcæ posteriores causas omittamus, quæ in eodem homine constantes sunt, illud occurrit notabile, ita res ab Auctore Naturæ dispositas esse, ut manente eadem pupillæ apertura, utcumque objectum ingens removeatur ab oculo, nihil mutetur claritas, nisi medium interjacens surripiat quid luminis, ut aer interjectus in ingenti tractu furripit. Nam intensitas luminis decrescit in ratione reciproca duplicata distantiarum ab objecto emittente ipsum lumen, & magnitudo imaginis est itidem in eadem ratione reciproca duplicata distantiarum, cum diameter apparens, cui respondet diameter imaginis, sit in ea ratione reciproca simplici, & superficies proinde in duplicata. Inde enim fit, ut quanto minuitur lumen, tanto minuatur spatium, per quod in oculi fundo dispergitur.

95. Diximus autem ingentium objectorum partes: nam ubi objectum nimis exiguum est, ejus imago magnitudinem fere totam habet ab aberrationibus ortam, quæ constantis magnitudinis est, unde fit, ut lumine immutato per distantiam, magnitudo spatii, per quod dividitur, non minuatur, vel minuatur in minori ratione. At in partibus exiguis objecti ingentis, quod luminis ab una parte aberrantis amittitur, id totum restituitur in eundem locum ab aberratione circumjacentium. Sola distinctionem minuit remotio; nam partes, quæ minorem acquirunt apparentem diametrum in recessu, confunduntur cum iis, a quibus antea distabant optice magis, quam illi errores ferant. Illud autem hic demum non est omitendum, Auctorem Naturæ consulisse nonnihil etiam exclusioni nimii luminis, cum effecerit mobilem pupillam *Oo*, quæ jam dilatatur magis, jam minus pro luminis ipsius quantitate, quæ quidem si posset expan-

expandi, & contrahi in eadem ratione, in qua lumen est majus, vel minus; objecta omnia æque clara intueri possemus interdiu, & per noctem, ac in Solem ipsum liceret impune oculos audaces defigere.

96. Hæc de oculo nudo: videamus jam, quid præset oculus unica armatus lente. Sit in fig. 13, 14, 15, D d lens P. 13
14
15 chrySTALLINA oculi, H h ipsius fundum, B b lens ante ipsum posita, E P objectum. Sit autem in fig. 13 lens B b minus remota ab objecto, quam sit ipsius focus radiorum parallelorum, in fig. 14 æque, in fig. 15 magis. Habebitur in fig. 13 imago virtualis, ubi est e: in fig. 14, imago erit in infinita distantia, in fig. 15 haberi deberet imago realis ubi est e, & ubique punctum e jacebit in recta E R in primo casu ad partes E, in secundo in infinita distantia, in tertio ad partes R. Si ducatur per G recta, quæ in fig. 13 & 15 transeat per e, & in fig. 14, in qua e abit in infinitum, sit parallela rectæ E R, & occurrat fundo oculi in i, focus radiorum ex e erumpentium in fig. 13, parallelorum E R in fig. 14, convergentium ad e in fig. 15 summotâ lente B b esset in i. Quare interposita itidem lente, radius E R, cujus directio transit per e in fig. 13, & 15, & qui in omnibus transit per R æquipollenter irrefractus abibit ad i, & imaginis magnitudinem L i definit angulus L G i, quem positio puncti e in fig. 13, & 15, & directio E R in fig. 14, determinant. Quod si præterea ducatur per G recta E G I, radius sine lente B b relatus ad lentem ChrySTALLINAM D d definiret magnitudinem imaginis objecti ejusdem visi nudo oculo.

97. Ex ipsa inspectione figuræ patet in casibus hic expressis imaginem augeri per lentem, & facile esset omnia, quæ huc pertinent definire, ac videre quo pacto incrementum imaginis mutetur mutata positione lentis inter oculum, & objectum. Sed notandum illud, nisi punctum e multum distet ab oculo, visionem non posse esse accuratam, quia radii in fig. 13 incident nimis divergentes, in fig. 15 nimis convergentes. Positio figuræ 14, in qua radii profecti a foco lentis B b, ex ea egrediuntur paralleli, est optima oculo bene valenti: positio figuræ 13 est aptior presbitæ, positio figuræ 15 est aptior myopi, sed si satis e accedat ad oculum, consilio habebitur, quæ erit summa, ubi e incidat in ipsum oculum. Quod si e jaceret inter B b, & oculum, quem casum in figura non
expres-

expressimus, tum recta ex. e per G ducta deberet in oculi fundum incurrere in arcum L H, quo casu imago invertetur, quæ in prioribus casibus remanet directa. Atque eodem pacto æque facile definiri possent, quæcunque pertinent ad lentes concavas, quæ e contrario objecti imaginem minuunt.

98. Verum omiſſis hiſce omnibus ſatis erit in caſu fig. 14. notare illud, cum caſum in exiguis lenticulis prodeſſe plurimum; quia cum earum focus proximus ſit iſiſ, ut in globulis diſtans per quartam diametri partem, objectum ibi collocatum adhuc videtur diſtinctum, cum radii ex illa lenticula emergant paralleli, apparebit autem cum eo angulo, quem tanta illa vicinia requirit. Atque hinc patet ratio microſcopiorum, quæ unica, conſtant lente, vel globulo vitreo. In objecto autem viſo per lentem ita diſpoſitam, ut iſum objectum ſit in ejus foco radiorum parallelorum, angulus L G i, æqualis erit in fig. 14 angulo G R d interno & oppoſito, adeoque & angulo E R P ad verticem iſi oppoſito. Porro inde eruitur pro angulis exiguis hoc theoremata. *Angulus determinans in oculo imaginem objecti viſi per lentem convexam habentem iſum in ſuo foco radiorum parallelorum æquatur angulo, ſub quo videretur e media lente, nimirum eſt directè, ut ejus diameter vera, & reciprochè, ut diſtantiâ foci iſius radiorum parallelorum ab iſa lente.* Cum enim ſit R P ad P E, ut eſt ſinus totus ad tangentem anguli R P E, erit hæc tangens, ut E P directè, & P R reciprochè. Ac admodum facile hæc iſa theoremata. transferuntur ad lentes concavas.

99. Abſolutis iſi, quæ pertinent ad unicam lentem combinatam cum lente chryſtallina intra oculum, videamus, quid præſtet ea combinatio binarum lentium, ex qua ſit teleſcopium dioptricum. Porro quatuor debent conſiderari. in quovis teleſcopio: diſtinctio, quam etiam dicimus terminationem; augmentum imaginis objecti; claritas; campus, ſive magnitudo ſpatii, quod ſimul complectitur. Agemus ſeorſum de ſingulis.

- F. 16. 100. Sit in primis in fig. 16. & 17. lens convexa B b, quæ radios proſectos a punctis objecti P E colligat in e p, ubi ſiſ ejus imago realis, velut radios E A, E R in e. Si interponatur vel inter imaginem p e & iſam lentem B b, ut in fig. 16, lens concava, vel ultra iſam, ut in fig. 17, lens convexa D d ita; ut illius focus virtualis, hujus realis ſit in iſo puncto p, radii
in.

in utroque casu e lente D d emergent paralleli, ut ii duo radii A e, R e per rectas O Q, o q, (denotant autem hic utrobique puncta O o, locum egressus e lente D d) inter se, & rectæ e G ductæ per mediam lentis crassitudinem (num. 70), & ab humore chrySTALLINO M m in fundo oculi H h bene dispositi colliguntur, ut O Q, o q in I, ubi imaginem exhibebunt in L I, quæ quidem distinctissima esset, si lentes in unico puncto colligerent radios ex unico puncto advectos. Patet id ex num. 47, cum lens concava radios convergentes ad suum focum virtuale, & lens convexa radios divergentes a suo foco reali reddat parallelos. Ejusmodi conjunctio foci lentis alterius, quæ cum objecto sit obversa, & propior, dicitur objectiva, & foci lentis alterius, quæ oculo propior dicitur ocularis, distinctionem secum ferunt, cum radios ab unico puncto objecti digressos ocularis lens ad oculum parallelos dirigat, quod ad distinctam visionem requiritur, distinctione tamen, quam radii aberrantes nonnihil turbant, ut paullo infra videbimus.

101. In utroque casu utriusque figuræ *ad habendam distinctionem myopes debent admovee lentem ocularem lenti objectivæ, presbita removere*. Nam removendo lentem D d cavam fig. 16 a suo foco p, vel admovendo convexam fig. 17, quod utrobique fit eam admovendo objectivæ lenti B b, radii emergent nonnihil divergentes, contrarium vero accidet removendo.

102. Utcumque lentes ejusmodi combinentur, habebitur hæc qualiscumque distinctio, sed non quævis combinatio auget objecti imaginem. Sit utrobique C focus radiorum parallelorum lentis B b jacens ultra ipsam, per quem transeat radius E A. Is per a e emerget e lente B b parallelus radio C R, nempe axi telescopii, & ejus concursus cum radio E R in e determinabit ipsum punctum e; erit autem N I, quæ determinat locum imaginis I, parallela radiis emergentibus O Q (num. 70). Quare angulus L N I, sub quo videtur objectum ope binarum lentium, æqualis erit angulo p G e; angulus autem e R G ad verticem oppositus angulo P R E, sub quo idem objectum nudo oculo videretur ex R. Jam vero sinus angulorum e G R, e R G, sive in angulis exiguis ipsi anguli, sunt ut latera R e, e g, sive proxime ut R p, G p. In objecto autem E P ita remoto, ut radii advenientes ad lentem objectivam B b haberi possint pro parallelis, & punctum p haberi potest pro foco radiorum paral-

lelorum, & distantia Rp , Gp foci radiorum parallelorum a binis lentibus sunt, ut ipsarum radii, vel diametri curvaturæ, quod eruitur e formula $\frac{n}{2} \frac{r}{r}$ numeri 45, cum ejus valor sit, ut r delatis n , & p . Igitur habebitur hoc theorema. *Angulus, sub quo objectum apparet in oculo, ad angulum, sub quo appareat spectatum e loco lentis objectivæ, est in objectis admodum remotis, ut distantia foci radiorum parallelorum lentis objectivæ ad distantiam ejusmodi foci lentis ocularis, sive ut radius curvaturæ lentis objectivæ ad radium curvaturæ lentis ocularis.* Porro in objectis propioribus recedente p ab R augebitur ea ratio, ut augeatur distantia Rp , ac ubi myopes admovebunt lentem ocularem lenti objectivæ, crescet itidem nonnihil, contra deerescet, si presbitæ removeant, quod facile demonstratur. Sed imposterum loquemur de media collocatione, in qua obtinet superius theorema.

103. Patet jam in casu lentis objectivæ convexæ Bb conjunctæ cum oculari concava Dd , ut in fig. 16., semper debere haberi aliquod augmentum imaginis. Cum enim debeat focus communis p jacere ultra ipsam ocularem Dd , erit semper Rp major, quam Gp . At in casu utriusque lentis convexæ, ut in fig. 17., in qua focus p jacet inter utramque lentem, poterit haberi augmentum, æqualitas, vel imminutio imaginis, prout curvatura lentis objectivæ habuerit radium majorem, æqualem, vel minorem, quam curvatura lentis ocularis. *Hoc autem augmentum, vel imminutio pro objectis admodum distantibus, habebitur, dividendo radium, vel diametrum curvaturæ lentis objectivæ per radium, vel diametrum ejusmodi lentis ocularis, eritque directè ut radius, vel diameter curvaturæ lentis objectivæ, & reciprocè ut radius, vel diameter curvaturæ lentis ocularis.*

104. Quoniam pE ad PE habet utrobique eandem constantem rationem Rp ad RE , utcumque assumatur PE major, vel minor, & pariter LI ad ep est, ut LN ad pG , partes objecti tam in imagine ep , quam in oculo servabunt eundem ordinem, adeoque objectum ipsum non erit deformatum quidquam, quod valet satis accurate pro exiguis ab axe distantis, pro quibus omnis exposita theoria est accuratior.

105. Hic autem triplex habetur discrimen inter ejusmodi bi-

bini^{ca} casus. Nam primo quidem longitudo telescopii eandem habentis augendi potentiam minor est in prima combinatione, quam in secunda, cum ibi lentium distantia sit differentia distantiarum earundem a communi foco, hic summa. Secundo prima combinatio figuræ 16. exhibebit objectum directum, secunda vero figuræ 17. ipsum invertet. Nam ibi radii $O P$, $o q$ devenient ad oculum directione in eandem plagam inclinata ad axem, in qua inclinatur radius directus $R E$, contra in fig. 17 in oppositam plagam inclinabitur. Tertio in prima combinatione nulla habetur intra telescopium accurata imago objecti, habetur vero in secunda in $e p$, quæ intra telescopium jacet.

106. Prima duo efficerent telescopium primi generis præstantius, quo quidem Galileus est usus. Sed in ea habetur maximum inconmodum ob campum nimis exiguum, ut jam vidimus. Contra tertium discrimen efficit telescopium secundi generis in immensum præstantius telescopio primi generis in Astronomia, & Geographia. Nam ex una parte objecta cœlestia, quæ formam rotundam habent, idem est si directo, ac si indirecto spectentur situ. Ex altera vero parte commodissimum, accidit illud, quod in situ imaginis $e p$ (fig. 17) apponi possunt bina fila fixa se decussantia, ex quorum intersectione ut p vel e , per datum punctum R collineare liceat in certum objecti punctum p vel e , ob quam proprietatem hæc telescopia aptari potuerunt quadrantibus, & sectoribus ad angulos dimetiendos directo in alterum objectum telescopio fixo, in alterum telescopio mobili. Itidem possunt collocari bina fila parallela mobilia ope machinulæ, per cochleam, ad comparandas inter se objecti partes, vel apparentes plurium objectorum magnitudines accessu, & recessu filorum eorundem definito per revolutiones cochleæ, & partes revolutionis. Id instrumentum dicitur micrometrum, & plura sunt ejusmodi micrometrorum genera filis tam fixis, quam mobilibus constituta.

107. Verum etiam pro objectis terrestribus medentur facile inversioni imaginis addendo, ut in fig. 18. binas alias lentes *F. 18.* oculares ita, ut præter objectivam $B b$, sint oculares tres $D d$, $F f$, Z , quarum prima habeat focum alterum in p communem cum objectiva, secunda in F communem cum prima, tertia in y , communem cum secunda. Radii digressi ex eodem objecti puncto E , ut $E A$, $E R$, coeunt in e , ubi pingitur imago $e p$,
G ut

ut prius. Eos lens Dd a suo foco divergentes reddit parallelos per OX , ox , lens Tt susceptos parallelos reddit convergentes in Y , ubi iterum imago pingitur in Yy , lens autem Z , eisdem parallelos transmittit per ZQ , zq ad lentem chrystallinam oculi Mm , quæ ipsos colligit in I , adeoque habetur distinctio. Radios autem EA , PR ad diversa puncta pertinentes colligit lens Dd in suo foco in F , eos lens Tt inde exceptos reddit parallelos per Fy , XY , quos idcirco lens Z cogit convergere per zq , yL , & ipsi zq parallela NI determinat magnitudinem imaginis prorsus eandem, quæ habita fuisset post lentem Dd , sed inversam inversæ, adeoque directam. Et quidem hoc pacto jam sunt telescopia terrestria, ut evitetur illa nimia angustia campi, de qua paullo infra.

108. At e contrario posset etiam Galileano telescopio adhiberi micrometrum alterius cujusdam generis, quod nuperrimè invenit in Angliâ Joannes Dolondus, & habetur in Transactionibus Anglicanis tomo 48 pertinente ad annum 1753 pag. 178, ut ad nos perscripsit nuper vir doctissimus P. Pezenas e Soc. nostra, qui micrometrum ipsum ad Newtoniana, sive Gregoriana Catadioptrica telescopia applicatum illustrabit sub anni finem. Nos autem ipsas Transactiones nondum vidimus. En aliquam ejus ideam. Concipiamus vitrum objectivum bifariam sectum

F. 19. ut in fig. 19 in duas partes AEB , aDb ita, ut possint disiungi

20. altera per alteram excurrente in directum divisâ C , c . Si earum dimidios transversos ductus CA , cb intueamur, referent in fig. 20. figuras CE , cb . Radios omnes ex eodem remoti objecti puncto delatos cum PC , & p colliget pars prima in R secunda in r . Itidem radios ex alio delatos cum EC , ec in B , & b . Quare duorum objecti punctorum, ut duarum Fixarum habebuntur 4 imagines R , r , B , b , quarum priores duæ inter se, & posteriores inter se distabunt, ubi objectum sit satis remotum per intervallum Bb , Rr , æquale Cc . Quare si ita diducantur binæ semilentes, ut imago prima primi objecti R cocat cum secunda secundi objecti b , innotescet ex ipso concursu imaginum, quantum distiterit prius imago B , ab imagine R , quæ distantiam binorum illorum objectorum metitur. Porro utroque telescopii genere tam Galileano, quam communi dioptrico id micrometri genus æquè aptari potest.

109. Relinquitur, ut de claritate verba faciamus. Ea pendet a quantitate luminis ingredientis in oculum. Ut enim habeatur eadem claritas fieri debet, ut quantitas luminis, quæ per te-

telescopium ad quantitatem ejus, quæ haberetur oculo inermi sit ut magnitudo imaginis, quæ haberetur nudo oculo, ad magnitudinem ejus, quæ habetur per telescopium. Sic enim eidem fibrarum numero respondet eadem luminis quantitas. Debet igitur totidem vicibus diameter apertura vitri obiectivi continere diametrum apertura vitri ocularis, quot vicibus diameter imaginis per telescopium ante continet diametrum imaginis habendæ nudo oculo. Idem nimirum exprimet & rationem diametri apertura vitri obiectivi ad diametrum pupillæ, & incrementum imaginis. Hugenum quidem longa experientia docuit, ut ipse testatur Dioptricæ suæ prop: 55, satis esse, si pro terrestribus obiectis interdiu habeatur sexta, vel septima pars ejus luminis, pro cælestibus noctu etiam decima tertia. Et in optimo telescopio longo pedes Rhenollandicos 30, quod in diametro imaginem augebat per 109, invenit, satis esse aperturam vitri obiectivi unciarum 3, cum ex illa regula debuerit esse 11. Sic etiam nubilo cælo, licet multum luminis desit, satis clare videmus obiecta. Adhuc tamen semper illud stat, ut in diversis telescopiis æquè bonis debeat esse apertura vitri obiectivi proportionalis potentiae amplificandi obiecti imaginem; & patet, data ejusmodi potentia, dari jam aperturam vitri obiectivi necessariam, si fiat ut 109 ad hanc novam potentiam ita uncia tres ad diametrum quæsitam.

110. Hinc autem potissimum telescopiorum incommodum. Nam ad habendam claritatem, oportet augere diametrum apertura: ipsi autem diametro apertura respondet error e radiorum diversa refrangibilitate, juxta num. 60. cum sit pars ejus quinquagesima quinta, vel ducentesima quinquagesima. Porro lens ocularis dum imaginem auget, hunc etiam errorem augeat. Hinc applicari non potest quævis ocularis lens cuivis obiectivæ, sed debet adhiberi, quæ ejusmodi incrementum exhibeat, ut cum hoc incremento imaginis maneat in quovis telescopiorum genere illa erroris magnitudo, quam semel constitit per observationem distinctioni non obstare. Quæ autem ea sit, facile innotescet ex theoremate demonstrato num. 86, quod diameter imaginis in oculo vidente obiectum per lentem sit directè, ut vera obiecti diameter, & reciprocè, ut distantia foci ejusdem lentis, adeoque reciprocè, ut est radius, vel diameter curvaturæ ipsius lentis.

111. Hoc posito, in fig. 17 patet, errorem ex diversa re-

G. 2.

fran-

frangibilitate ortum in pe , debere occupare circellum, cujus diameter sit proportionalis aperturæ vitri objectivi Vv , ut autem retineatur distinctio, debere ab oculo per lentem chrystallinam Mm videri id spatium ejusdem semper magnitudinis. Dicatur semidiameter aperturæ vitri objectivi s , diameter curvaturæ ipsius objectivi d , ocularis vero a , & erit potentia amplificandi $\frac{d}{a}$. Erroris vera diameter erit, ut apertura s , adeo-

que visa per lentem ocularem erit, ut $\frac{s}{a}$, quæ cum debeat esse constans, erit s , ut a ; est autem semidiameter aperturæ, ut potentia, nimirum s ut $\frac{d}{a}$, adeoque a ut $\frac{d}{s}$. Igitur erit s ut $\frac{d}{s}$, & ss , ut d . Nimirum erit quadratum aperturæ, adeoque & quadratum potentie amplificandi, ut est diameter curvaturæ lentis objectivæ, quæ quidem diameter cum sit quamproximè, ut est telescopii longitudo (nam ea longitudo fere æquatur distantie foci lentis objectivæ ab ipsa, neglecta distantia foci ocularis adeo minore, & distantia illa foci æquatur ad sensum radio); erit illud quadratum, ut est longitudo telescopii, cumque fuerit s , ut a , patet ocularis lentis curvaturæ diametrum, vel radium debere esse, ut & semidiametrum aperturæ vitri objectivi, in ratione subduplicata longitudinis ejusdem. Hic quidem canon est maximè conformis experientiæ, & norunt Opifices, esse æque bonorum telescopiorum vires in ratione subduplicata longitudinum.

112. Hinc autem inferimus primò, causam, cur telescopia omnino perfici non possint esse diversam radiorum refrangibilitatem. Concurrunt quidem & aliæ causæ, ac ea in primis, quod figura spherica radios omnes in unico puncto non colligat, sed ea ita parum agunt respectu hujus causæ, ut præ illa pro nihilo haberi possint. Ostendimus num. 63 in illo telescopio pedum 100 errorem a diversa refrangibilitate ortum majorem esse errore orto a figura spherica vel octies millies, vel ad minimum bis millies. Quare hic præ illo est fere nullus.

113. Accedit, quod si vitia telescopiorum proveniant ab errore figuræ sphericæ, longe alia esset relatio inter diametrum

curva-

curvature vitri objectivi, & potentiam amplificandi. Nam est ille error (num. 57.), ut $\frac{s^1}{d^1}$, adeoque is visus in oculo est, ut

$\frac{s^1}{a d^1}$, & proinde, ut sit constans, debet esse s^1 ut $a d^1$, & $\frac{s^1}{d^1}$ ut

a . Est autem s , ut $\frac{d}{a}$, adeoque a , ut $\frac{d}{s}$. Erit igitur $\frac{s^1}{d^1}$ ut $\frac{d}{s}$,

sive s^1 ut d^1 . Nimirum erunt quadratoquadrata aperturarum lentis objectivæ, ut cubi diametrorum curvature ipsius lentis; & aperturæ ipsæ, ac potentiæ amplificandi, ut radices cubicæ quadrato-quadratorum diametri curvature lentis objectivæ, quod est contra experientiam. Newtoni Optica, ubi in ea prop. 6 hoc eodem argumento utitur, tam in editione latina Londinensi, quam in Gallica, quam iterum in latina recentissima Patavina habet radices cubicas quadratorum, pro quadrato-quadratorum. Putamus esse mendum primæ editionis ab aliis exscriptum.

114. Causa igitur imperfectionis telescopiorum dioptricum repeti debet a diversa refrangibilitate radiorum, quam mirum in modum confirmat. Et quidem hanc ipsam ob causam telescopia catadioptrica, quæ speculis utuntur, & reflexione radios non dividente in regressu a speculo tanto præstant hisce dioptricis.

115. Secundo loco deducimus esse terminum quandam hominibus præfinitum, ultra quem hoc telescopiorum præsidio visum non extendant: nullum ex. gr. fieri posse telescopium, quod objecta in Luna ita repræsentet, quemadmodum nudo oculo viderentur in distantia unius milliarii, ac in quovis Planeta circumfolari, quemadmodum viderentur in distantia 100 milliariorum. Nimirum assumpta distantia Lunæ 60 semidiametrorum Terrestrium, quarum quævis est proxime 4000 passuum, continentium quinos pedes, distantia Lunæ fit 240000 milliariorum, & distantia Veneris Perigææ, quæ omnium ad Terram maxime accedit centuplo circiter major. Hinc deducitur, debere diametrum aperturæ lentis esse pedum circiter 550, quæ lens adeo immanis deberet esse, ut transversum in solo posita, vertice suo summum D. Petri tholum superaret. Et hoc quidem argumentum æque valet contra telescopia catadioptri-

ca,

ca, quæ eandem aperturam requirerent ad claritatem. Accedit contra dioptrica telescopia, quod ejus telescopii longitudo deberet esse milliariorum 9978, multo major tota Telluris diametro.

116. Demum quod pertinet ad campum, ejus magnitudinem in telescopio lentium convexarum fig. 17 determinat diameter aperturæ diaphragmatis, nimirum annuli Xx ejusdem, qui apponitur in eo loco, ubi pingitur imago $e p$ maxime distincta, qui debet esse aliquanto minor amplitudine lentis ocularis Dd . Tantum objecti devenit ad lentem, & inde ad oculum, quantum ipse permittit, reliqua intercipiens. Ejus ope ipse campus evadit admodum bene terminatus, & est ut distantia $R p$ foci lentis objectivæ ad semidiametrum ejus aperturæ ita sinus totus ad dimidii campi angulum. Quoniam autem radiorum parallelorum manipuli coadunantur circa F , pupilla ibidem constituta omnes ejus campi radios admittit. Facile autem est demonstrare eos, ibi occupare partem tantum pupillæ, adeoque devenire ad minorem partem humoris chrySTALLINI; unde in primis fieri arbitramur illud, quod major per telescopia habeatur distinctio, tum quia magis evitatur irregularitas, quæ sit in pupillæ textu; tum quia minori aperturæ pupillæ id æquivalet, quod errorem ex diversa refrangibilitate ortum in humore chrySTALLINO minuit in fundo oculi in eadem ratione. Accedit tamen, & illud, quod motu lentis ocularis telescopii suppletur accuratissimè nimio, vel nimis exiguo tumori lentis chrySTALLINÆ.

F. 16. 117. At in telescopio Galileano in fig. 16 manipuli illi radiorum OQ , oq divergunt, adeoque exiguus ipsorum numerus in pupillam ingreditur. Si oculus admoveatur ipsi lenti concavæ prope G , quo casu maximum excipit ejusmodi manipulorum numerum, & ipsa pupilla pertingat ad o ; erit ut Fo ad semidiametrum pupillæ Go , ita radius ad sinum anguli $G Fo$, & ut oR ad Fo , ita sinus oFR , sive oFG ad sinum oRF , sive semidiametri campi PRE . Quare ex æquo erit ut Ro , sive RG longitudo totius telescopii, ad semidiametrum pupillæ, ita radius ad sinum dimidii campi. Patet sane, quam angustus esse debeat is campus in longioribus ejusmodi telescopiis, unde proinde nulli esse usui possint, si nimis excrecant.

118. Locus jam hic esset, ubi de campo agimus, determinandi ea, quæ pertinent ad colores, qui in extremo campo exhibentur.

hibentur, ubi nimia sit amplificatio, ut etiam de usu, & vitis micrometrorum, quæ constituuntur per fila intra ipsum diaphragma, vel etiam de usu diaphragmatis pro micrometro, de quo multis ab hinc annis dissertationem dedimus in Actis Lipsiensibus recusam, cui titulus. De novo telescopii usu ad objecta caelestia determinanda. Sed angustiae, quibus preimur, id argumentum cogunt omittere.

119. Illud non omittemus, unum e præcipuis usibus micrometri constantis filis parallelis mobilibus esse ad diametros Planetarum apparentes determinandas. Ubi autem determinetur per micrometrum diameter apparens, si habeatur præterea distantia ex aliquo parallaxium genere, deducitur magnitudo vera, cum sit in fig. 24 radius ad semidiametrum apparentem. *F. 24.* BAC, ita distantia AC ad semidiametrum veram CB. Hæc quidem methodus satis procedit, ubi diametri apparentes sunt satis magnæ. At ubi satis exiguæ sunt, cum omnes illi errores, de quibus egimus num. 88, augeant imaginem apparentem in oculo, fiet utique, ut error committatur intolerabilis in diametro quæsita. Ut unum proferamus exemplum, diametros apparentes Fixarum primæ magnitudinis, ut Syrii, alii putaverunt ante inventa telescopia trium, vel quatuor minorum, ut ipse Hevelius, alii post ea inventa saltem plurium secundorum, & Ricciolius quidem circellum considerans intra telescopium sibi a suis vitris exhibitum, censuit esse secundorum 18. Alii Astronomi saltem 6 secundorum; & quidem Galileus alia methodo secundorum 5, vel 6 in Spica Virinis. Hugenus autem aliam depressit ad 4 tertia; unde & in distantiam Fixarum inquisivit.

120. At nos illud affirmamus: de vera Fixarum magnitudine nihil, de apparenti constare nihil, præter illud, multo minorem esse uno secundo, immo etiam si æquali suæ superficiei parte emittunt æqualem luminis vim, ac Sol, minorem esse uno minuto tertio; de distantia vero nihil, præter illud, majorem esse, quam sit distantia Terræ a Sole assumpta centies millies. Ut ordiamur ab hoc postremo, motus Fixarum ita jam omnes certi sunt, ut seclusa omni parallaxi etiam annua nunquam duobus secundis distet satis exacta observatio a calculo. Quare parallaxis ejusmodi ad duo secunda non pervenit, ad quæ si perveniret, distaret utique per orbis annui semidiametros 100000, ut facili calculo trigonometrico constat.

Quod

121. Quid autem attinet ad diametros apparentes, tota illa apparens ipsarum magnitudo provenit a radiis aberrantibus. Nam quo telescopia majora sunt, & meliora, eo magis apparent instar puncti. Hibernus nunc telescopia catoptrica, quæ imagine n̄ augeant in diametro per 800. Hinc si essent quinque secundorum diametri spoliata aberrationibus, eo telescopio apparerent secundorum 4000, nimirum plus quam unius gradus, plus, quam dupla Luna nudo oculo. Si unius, secundi essent, apparerent 800 secundorum sive minutorum fere 14, fere quantum dimidia Luna. Apparent autem etiam per ipsa punctorum instar. Habent igitur in immensum minorem uno secundo.

122. Quid vero de Hugeniæ methodo. Ipse, ut habet in Cosinotheoro sub finem tubum assumptit TV ut in fig. 22 pedum 14. Circa verticem obtexit in Bb, & ad foramen exiguum $\frac{1}{12}$ lineæ, sive $\frac{1}{144}$ pollicis apposuit globulum Aa, qui radios solis eI deflexos primum per Ii versus f, tum per iF ad extremum S pupillæ Ss appositæ ad foramen aliud L, & videbat solem non minore lumine eo, quod habet Syrius, Inde calculo inito invenit eam solaris luminis partem ad oculum devenire, ut si sol eo deberet recedere, unde tantulus appareret, ejus diameter apparens esset 4 tertiorum. At omisit ille considerationem diffractionis, quæ in distantia dimidiæ Aa sive $\frac{1}{288}$ partis pollicis agit plurimum, & plurimos radios detorquet. Inde igitur infertur solis lumen, nisi diffraçtio magnam ejus partem interciperet, multo vividius futurum fuisset, adeoque multo minorem debere esse diametrum apparentem Syrii, quam ipse posuerit.

123. Eodem malo laborat methodus Galilei, qui interposito inter oculum P, & fixam filo, cujus semidiameter crassitudinis CF, recessit donec ipsi stella filo obtegeretur, & e semidiametro ipsa CF, ac distantia CP investigavit angulum EPI, cujus duplum attribuit diametro apparenti fixæ. At diffraçtio hic quoque rem omnem perturbat. Et quidem si filum sit minus crassum, quam apertura pupillæ Ss fixa autem sit punctum etiam unicum per radios DS, ds parallelos tangentibus BA, ba vi-

dere-

deretur hinc, & inde a filo. Sed id etiam diffractio perturbat, nec vacat in eo immorari pluribus, quod quidem facile expediretur, habita ratione diffractiois, amplitudinis pupillæ, & errorum ex ipsa amplitudine provenientium in oculi fundo.

124. Nos alia methodo invenimus tam exiguum esse in ipso Syrio vim luminis, ut, si Sol ad eam distantiam abire deberet, in qua tantum haberet luminis, ne ad tertium quidem minutum ejus diameter apparens perveniret. Nam Jupiter etiam Apogeus plus habet lucis, quam Syrius. Tum vero ejus diameter apparens est circiter secundorum 40. Sit in fig. 21. F. 21.
 E L e l globus Jovis. Eum vident omnes, qui adsint per totam sphaeram, cujus dimidium exhibet A D a. Si Sol, qui ipsum illustrat sit ad partes A, is qui sit in A, videt plenum, qui in a ex parte opposita, videt nihil, qui in D, videt dimidium. Assumptis autem A B, a b æqualibus, qui sit in B videt tantum, quantum non videt ex apparenti disco, qui est in I, ut ex ipsa patet schematis consideratione. Quare ejus lumen reflexum ita dividitur per totam sphaeram, ut ubi videtur plenus in A, tantum habeatur luminis, quantum haberetur, si totum lumen æque divideretur per id hemisphaerium, cujus medium est A.

125. Hinc autem si is reflecteret totum lumen, quod a Sole accipit, cujus mensura est ejus discus, sive circulus maximus; esset intensitas luminis Solaris ibi ad intensitatem luminis ab eo reflexi hic apud nos, ut est ejus discus ad superficiem hemisphaerii habentis pro semidiametro ejus distantiam a Terra, sive conjunctim in ratione duplicata ejus semidiametri ad ejus distantiam a terra & simpliciter 1 ad 2; nam superficies hemisphaerii est dupla circuli maximi, & circuli sunt, ut quadrata radiorum. Sed quoniam maximam luminis partem absorbet & Juppiter, ut tellus; concipiamus dimidium tantum absorberi, dimidium reflecti. Erit lumen Solis ibi ad lumen ejus reflexum hic, in ratione duplicata semidiametri ipsius ad ejus distantiam a Terra, & duplicata 1 ad 2. Præterea Juppiter distat a Sole quintuplo magis, quam Terra. Quare ibi intensitas luminis Solaris est minor, quam hic adhuc in ratione duplicata 1 ad 5.

126. Jam vero est semidiater Jovis ad ejus distantiam a Terra, juxta theorema positum supra, ut sinus semidiametri

H

appri-

apparentis ipsius, sive sinus secundorum 20 ad sinum totum, nimirum ut 1 ad 10000 quam proximè. Igitur omnibus rationibus collectis 1 ad 10000, 1 ad 2, 1 ad 5, habemus rationem 1 ad 100000. In hac ratione duplicata deberet esse minor diameter apparens Solis, si is deberet ad tantam distantiam recedere, ex qua lumen exhiberet æquale Jovis lumini ad nos devenienti. Cum igitur diameter apparens Solis sit circiter minutorum 30, sive secundorum 1800, vel tertiorum 108000, ea imminuta in ratione 100000 ad 1, deveniret ad minutum tertium; quo quidem adhuc esset minor in suppositione homogeneitatis cum Sole, quam assumpsimus, diameter apparens Syrii.

127. Deveniendò demum ad magnitudinem veram, ea posset innotescere tantummodo per diametrum apparentem, & distantiam. Sed utrumque incognitum nobis esse demonstravimus. Quamobrem incognita itidem erit magnitudo vera. Nec vero illud est satis probabile eas omnes esse æquales inter se, ut nimirum in ipsis Planetis tantam videmus magnitudinum varietatem induxisse Supremum Naturæ Artificem, licet fortasse minus improbabile sit, ex æquali superficie suæ parte luminis copiam æqualem emittere, ut certo constat emittere lumen speciei ejusdem. Sed de his ex occasione lentium ac telescopiorum jam satis.

F I N I S.

ERRATA

CORRIGE

Pag. 9. lin. 29.	I e	ie
30.	CB, CO	Cb, Co
31.	ie, id	IE, ID
36.	Cio	CIO
Pag. 10.	7. Cio	ci
14.	2. AR	Ar
	38. BA	BA
15.	2. habet AF,	habet Ff
19.	9. CA ... CA	ca ... Ca
	11. d-r	$\frac{1}{2}$ (d-r)
24.	8. CA 4	CA

In fig. 16. pro recta O F duc ipsi parallelam o F

67

IMPRIMATUR,

Si videbitur R^{mo} Patri Magistro Sacri Palatii Apostolici.

F. M. De Rubels Patr. Const. Vice/g.

IMPRIMATUR.

Fr. Vincentius Elena R^{mi} P. Mag. Sacri Palatii Apost. Socius,
Ord. Præd.



z

0562016

CG



Copyright © 2003

